

Kareta PaarꞰ Nennoko'pꞰ Ron Pon Kon Ena' Ekamanin

Kareta PaarꞰ Nennoko'pꞰ Ron Pon Kon Ena' e'menuka'pꞰ, tꞰuti e'ma ta' to' ekonekato' pe iye'kuu'pꞰ rꞰ'pꞰ tꞰutito' pe so'si Ron po na'ne' pona. Iyekonekato' esi'pꞰ te'tarawasomato' pe KꞰri'san amꞰ' koro'tau miri yau aka'ne' pe ri, miri awonsi'ki to' uya tꞰpika'tii' tꞰutito' pe SꞰ'pen pona. Imenuka'pꞰ iya KꞰri'san amꞰ' uya apurito' to'ka'nꞰkꞰ tꞰuya ekamanin pe miri awonsi'ki KꞰri'san amꞰ' uko'manto' tenpoikai' inku'pai te'to' ri. Kareta yau iyenuka'sa' pe inekamanꞰ itekareei esi.

Miyari ta tꞰpo ka'pon amꞰ' so'si tawon kon Ron pon kon pi' miri awonsi'ki to' pana'ti tꞰpo to' pona tꞰwipꞰremato' pi', PaarꞰ uya ekama tꞰkaretaai yau tꞰusauro'to' ipi': “Itekare uya enpoika Papa uya ka'pon amꞰ' konekato' tꞰpokon pe: Apurito' poro iyepiya'ti'pꞰ si'kiri iu'matꞰ pꞰ'kꞰ pona” (1:17).

PaarꞰ uya nin si seri tꞰusauro'to' ipi' emo'ka. Tanporo ka'pon amꞰ', asa'ri ri EsuwerꞰ amꞰ' miri awonsi'ki EsuwerꞰ amꞰ' pen, ekonekato' pe iyesi Papa pokon pe, apꞰne pꞰra tanporo ri isi'kaisari ri mako'i meruntirꞰ o'no to' esi pi'. Ka'pon amꞰ' ekoneka Papa pokon pe Sises KꞰrai apurito' to' uya poro. TꞰron ni, PaarꞰ uya ekama emenna' pe uko'man nito' KꞰrai ya' tꞰwenai' ipokon pe e'nito' seri si emenna' pe Papa pokon pe e'nito' moron

nu'pu pe. Papa pokon pe apurinin e'to' esi ewankamanin puṛa miripan emo'ka Papa Akwaru wini makoi miri awonsi'ki uma'tan nito' meruntiru apai. Isa'ta 5—8 yau Paarṛ ri mari uya ekama usaurokṛ Papa iwano' main e'to' mirito' tukai', miri awonsi'ki Papa Akwaru meruntiru pi' apurinin pe te'sen uko'manto' yau. Miri awonsi'ki itekare ekamai' enno'sa' e'kaai'ma a'toman nito' pokon pe miri kasa Esuweru amṛ' miri awonsi'ki Esuweru amṛ' pen epata'ti ka'pon amṛ' iwano' pe Papa nukonekanṛ ya' tawon pokon pe. Iye'nonka Sises ewaruma'tito' Esuweru amṛ' uya esi, Papa ekonekasa' pe ri tanporo ka'pon amṛ' ne'nin pe Papa uya wakṛ nonkato' Sises Kṛrai yau eporo to' uya poken, miri awonsi'ki apuri iya tiwiri ri Esuweru amṛ' uya Sises ewaruma'ti pen tukai'.

Iu'matu pe Paarṛ uya imenuka se kasa Kṛri'san pe e'ni uko'manto' esi tukai', tṛusi'nṛnkai' tṛron kon pokon pe e'nito' pi'. Anṛnpitu iya tṛsauro'to' ipi' ton pe Papa apiyo' pe e'nito' pi', pata esanon pi' tṛtṛrawasooi kon ku'to' Kṛri'san amṛ' uya pi', miri awonsi'ki isitonpa pe te'to' ku'to' pi', miri awonsi'ki ewan wanni uya i'tun nito' pi' uta'toman nito'. Tukaretaai i'ma'ka iya tekareei ton ke ri miri awonsi'ki Papa apuripi'to' main ke.

Iyawon Ekamanin

Ekamanin miri awonsi'ki isauro'to' ipi' (1:1-17)
 Epika'tin nito' i'se kuru e'nito' (1:18—3:20)
 Papa eseru epika'tin nito' pi' (3:21—4:25)
 Emenna' pe uko'man nito' Kṛrai yau (5:1—8:39)
 Esuweru Papa ekonekato' yau (9:1—11:36)
 Kṛri'san pe e'ni e'to' (12:1—15:13)

Iye'nonkato' miri awonsi'ki tumiri pe miyari
tato' iya (15:14—16:27)

¹ Paar_u, Sises Kurai poitor_u, esa'sa' itekare ekamai' enno'sa' pe, imo'kasa' wak_u Papa ekareei iwano' pe, winipaino. ² Seri itekare ikup_u uya tukai' isaurok_u'p_u ru'p_u pena pu'kena' am_u' imaimu pe t_usauro'san poro Wak_u iye'menukasa' itekare yau ³ tumu pi', ka'pon pe te'to' yau Tepi' pa ru'p_u pe na'ne'. ⁴ Wak_u pe te'sen Iya'kwar_u poro ekamasa' ru'p_u merunti ke Papa Mu pe* iye'm_u'sa'ka wini iyeriku'p_u apai: Sises Kurai si uyepuru kon. ⁵ Iporo miri awonsi'ki itese' iwano' pe wak_u nonkasa' eposa' man innennoko'san pe e'nito' pe, ka'pon am_u' ne'nin pe e'nito' pe Esuwer_u am_u' pen koro'tapai imaimu awiron pe to' e'to' pe apurito' to' uya wini. ⁶ Miri awonsi'ki imiri'nokon ni niri si esi kamoro Sises Kurai iwano' pe iki'masa' kon koro'tau.

⁷ Tanporon kon Ron pon kon enakan Papa ni'n_unk_u ton miri awonsi'ki iki'masa' kon wak_u ton pe to' e'to' pe:

Wak_u nonkasa' miri awonsi'ki t_usewankamai' p_ura iwe'to' kon Papa, uk_uip_un_u kon miri awonsi'ki Itepuru Sises Kurai winon nesii iyenakan kon pe.

Paar_u E'to' Ron Pona Itipai

⁸ Wapiya, Papa pi' tenki ta uya Sises Kurai poro tanporo imiri'nokon pi', ap_une p_ura apurito' auya'nokon usekare'tisa' tanporo non em_u' kaisa ri. ⁹ Papa, iyapiyo' pe e'to' tanporo uyewan a'kiri

* **1:4** ekamasa' ru'p_u merunti ke Papa Mu pe; miri pe p_ura, ekamasa' ru'p_u t_umeruntir_u ke Papa Mu pe

Imu ekareei wakꞫ ekama uya yau, esi uyekamanin pe inke ri uyenu yau ikupꞫ uya 'nokon¹⁰ ipurema yau tiwiri ri; miri awonsi'ki ipurema si seri pe ri Papa eseru awiri ite'ma uta'kokasa' e'to' pe ipiya'nokon utito' pe.

¹¹ Iyenpai'nokon esi ipika'tito' kon pe uya iya'kwarꞫ nɔtɔrɔnɔ eponin pe, pana' pe iku'nin kon pe — ¹² miri si, imiri'nokon miri awonsi'ki uri uya apurito' wini epori'mapi'nito' pe asa' ipi'.¹³ I'tunin nan pe pɔra iwesi kon i'se pɔra esi, utonpa ton, ekonepitu'pɔ inke ri ipiya'nokon utito' pe (e'tane miri namai' uwa'kɔ'pi'sa' seri pona ri nin si) i'koro'tau'nokon iyakɔ'pɔsa' anɔnto' pe uya, tɔron kon Papa pɔnon kon koro'tau eporo'pɔ uya kasa.

¹⁴ E'nonkasa' pe ri esi asa'ron kon ena' Kiri' amɔ' miri awonsi'ki Kiri' amɔ' pen ni ena', asa'ri ri emepoke' ton miri awonsi'ki emepo pɔnon kon ena'. ¹⁵ Miri pe iyese pi', wakꞫ itekare inekamapai kuru esi seri imiri'nokon Ron pon kon pi' ri mari.

¹⁶ WakꞫ itekare pi' ipiyitu' pen ni, apɔne pɔra Papa meruntiru' pe iyese tanporon kon apurinin nan epika'tito' ike pe; wapiya EsuwerꞫ iwano' pe, miri awonsi'ki EsuwerꞫ pen iwano' pe. ¹⁷ Apɔne pɔra wakꞫ itekare yau Papa uya anɔn ni ipokena' ri tukai' apurito' wini iyepiya'ti si'kiri iu'matɔ pona,† iye'menukasa' na'ne' kasa: “Ipokena' awiri te'sen uko'mamɔ apurito' wini,”‡ tawon.

Ka'pon Kota'mato' Papa Uya

1:13 Inkupɔ'pɔ 19:21 **1:16** Ma' 8:38 † **1:17** iyepiya'ti si'kiri iu'matɔ pona; miri pe pɔra, apurito' apai apurito' pona ‡ **1:17** Apa'ka' 2:4

¹⁸ Papa uya kota'man nito' usenpoikasa' Epun poi Papa p̄ara e'nito' miri awonsi'ki iri ka'pon am̄a' eseru pi' wak̄a i'tuto' pe p̄ara iku'nin nan iri teseru kon wini, ¹⁹ Papa i'tuto' ipi' esi to' pona tense ri, ap̄ane p̄ara tense ri Papa uya iku'sa' to' pona. ²⁰ Ap̄ane p̄ara non e'kaa'p̄a si'kiri Papa ewakiri t̄usensen pen—siyaro' ri imeruntir̄a miri awonsi'ki Papa pe iye'to' i'naino ri—usensa' wak̄a pe ri, t̄uto'ka'n̄u'se iyekonekasa' r̄u'p̄a wini, ka'pon am̄a' e'to' pe iye'wapu'tito' ipona p̄ara.

²¹ Ap̄ane p̄ara Papa i'tu tane to' uya, Papa pe to' uya apurip̄it̄a p̄ara iyese, to' uya tenki ta p̄ara ri iyese ipi', e'tane to' usenuminkato' esi iwotori'pi p̄ara ri miri awonsi'ki emepo p̄an to' ewan ewarumam̄a'p̄a. ²² Emepoke' pe to' e'ku'tane, epe' ri to' ena'p̄a, ²³ miripan kon uya Papa teri'sen pen ku'to' eke pe entakanoma'p̄a to' uya ipe iye'to' pe ika'sa' ke ka'pon teri'sen pe ri nin miri awonsi'ki toron am̄a' pe miri awonsi'ki o' am̄a' pe miri awonsi'ki ene am̄a' ri.

²⁴ Miri pe iyese pi', Papa uya to' nonkasa' iri to' ewan e'to' i'se yau iri pe tekumato' kon yau t̄atonpa kon pokon pe t̄ap̄un kon eno'mato' to' uya ya'. ²⁵ I'nairon pe Papa e'to' entakanoma to' uya kasi pe e'nito' ke, miri awonsi'ki ika'sa' ton ni apurip̄it̄a to' uya miri awonsi'ki iyapiyo' pe ri to' esi ika'nin n̄u'p̄a ta pe p̄ara ri—tiwiri ri tapuripi'sen. Amen.

²⁶ Miri pe iyese pi', Papa uya to' nonkasa' piyi'n̄u'nin ni niki eseru ya'. To' uri'samo ton ni uya i'naino pe ri e'nito' entakanoma i'naino pen

ni ke. ²⁷ Miri kasa ri mari, warawoti'si amu' uya i'naino uri'san pokon pe e'nito' nonkasa', miripan kon a'mintasa' tunikiru kon yau tatonpa kon pi'. Warawoti'si amu' uya iri ri kuu'pu warawoti'si amu' pokon pe, miripan kon uya tekota'mato' kon eposa' tupun kon yau iye'to' awiri para te'sa' kon wenai.

²⁸ Miyari ri, to' usenuminka kasa para ri Papa i'tunin pe e'nito' enkurunpanin pe, to' nonkasa' iya iye'to' awiri para to' usenuminkato' ya', taku'sen pen ni ku'to' pe to' uya. ²⁹ To' ri si epe'tisa' tanporon ni iri eseru ke, iri ke, mentai e'nito' ke miri awonsi'ki iteseru pe te'sen awiri para e'nito' ike ke. Iri pe taron kon pi' te'ku'san pe to' esi, te'wisan pe, isipi' te'san pe, enku'tinin nan pe miri awonsi'ki iri inku'pai te'san pe. Ka'pon eseru pi' tusauro'san pe, ³⁰ iri pe ka'pon pi' tusauro'san pe, Papa ewaruma'tinin nan pe, sapemanin nan pe, i'tunin pe te'ku'san pe, miri awonsi'ki tautapurisan pe; iri kupu eseru sara'tinin nan pe; tasan kon maimu awiron kon pen pe; ³¹ iya'kwaru panon kon pe, apuri pokena' ton pen pe, tuisi'nankasan pen pe, isentu'manon kon pe, aiko tawon nan pen pe. ³² I'tui'ma ri Papa usauro'sa' esi ipoken kamoro seri rupi ku'nin nan esi uma'tan nito' eponin nan pe tawon, seri ton kuru kupu to' uya, miri awonsi'ki kamoro seri ku'nin nan pi' ri niri waku pe man ta to' uya.

2

Papa Uya Ipoken Eseru Aimenkato'

¹ Miri pe iyesi pi', imiri, ka'pon, inu' ri eseru aimenkanin, iye'wapu'tito' ipona para iyesi, i'ri

poiri ri taron ni eseru aimenka auya, iiwano' pe ri nin iuseno'ma miri, apune para imiri eseru aimenkanin uya miri ton ni kupu. ² Seri si i'tu'nokon Papa uya eseru aimenkato' esi kamoro seri rupi ku'nin nan pi' esi i'nairon po. ³ Miri kasa si imiri, ka'pon ni nin, uya eseru aimenkato' kupu a'tai to' pi' miri ri kupu'i'ma, Papa uya eseru aimenkato' piyapai ayainumu tukai' pe' iye'kupu? ⁴ Miri pe para kati, eke pe ri isi'nanke' pe iye'to' iku'tane auya, iyenpi'to' iya, miri awonsi'ki tausea'takai' para iye'to' nurunpa auya, i'tui'ma para Papa e'to' isi'nanke' pe uya ayato' esi iyera'tito' ya?

⁵ E'tane apune para sa'man pe ri tera'tisen pe para ri iyewan esi pi', kota'man nito' amuranuku auya iiwano' pe ri Papa uya kota'man nito' weyu a'taino pe, ipokena' eseru aimenkato' iya usenpoika a'tai. ⁶ Papa uya, "ituru ka'pon kaisa ri inkupu'pu pi' tense,"* tasa' iya. ⁷ Kamoro ka'pon amu' sa'man annawiri waku kupu pi' te'san uya eke pe tuku'to' kon, tnamato' kon miri awonsi'ki eri'nito' pen warinpa ena' inke ri uko'man nito' turu iya. ⁸ E'tane kamoro tiwano' kon pe ri te'san miri awonsi'ki i'nairon ana'sipai para te'san miri awonsi'ki iri pikiri te'san pi', moro isakorotasa' pi' ekota'man nito' esi miri. ⁹ Moro ewankamanin miri awonsi'ki a'kwaru ainanpanin e'to' oton tanporon kon iri ku'nin nan ka'pon amu' pi': wapiya Esuweru amu' pi', miri tupo Esuweru amu' pen; ¹⁰ e'tane eke pe iku'to', inamato' miri awonsi'ki tausewankamai' para e'nito' esi tanporo waku

2:1 Ma'siu 7:1; Uru' 6:37 * **2:6** Eren 62:12; Ipu'ketu 24:12

ku'nin nan iwano' pe: wapiya Esuwer_u am_u' pi', miri t_upo Esuwer_u am_u' pen pi', ¹¹ ap_une p_ura Papa esi pi' tenu yawon kenan pe p_ura ri.

¹² Tanporon kon, main, Mosi' winon piyapai imakoitasa' kon uma'tato' oton miri main piyapai ri mari, miri awonsi'ki tanporon kon imakoitasa' kon main o'noro eseru utaimenkato' oton main ke. ¹³ Ap_une p_ura kamoro miri main etanin nan esi pen ipokena' pe Papa enu yau, e'tane kamoro main awiron kon an_um_u Papa uya ipokena' ton tukai'. ¹⁴ (Kasi pe p_ura, Esuwer_u am_u' pen, main, Mosi' winon esanon pen, uya ikup_u ti'naino kon ni main e'to' i'se, main pe ri tiwano' kon pe to' esi, main esanon pe p_ura ri esii'ma, ¹⁵ to' uya enpoika si'kiri miri main e'to' i'se e'menukasa' to' ewan pi', to' ewan uya ri niri ekama to' pi', miri awonsi'ki to' usenuminkato' uya ri ipoken p_ura to' e'sa' ekama, miri awonsi'ki t_uron ni a'tai ipoken to' e'sa' ta iya ri.) ¹⁶ Seri e'ku'to' oton Papa uya ama'aino eseru aimenka weyu a'tai Sises K_urai poro, wak_u uyekareei nekamayai'ne' kasa.

Esuwer_u Am_u' Miri Awonsi'ki Main, Mosi' Winon

¹⁷ Imiri nin si, Esuwer_u pe te'sesa'sen; main, Mosi' winon enupikiri te'sen miri awonsi'ki Papa pokon pe iwe'to' pi' t_uutapurisen. ¹⁸ I'se iye'to' i'tunin pe iwesi yau, miri awonsi'ki ewai' tawon pe te'sen epoi te'sen pi' ap_une p_ura main nenupa'p_u pe iwesi pi'. ¹⁹ Pori' pe iwesi yau tenku'na' nan anin pe iwesi pi', ewarupi yau te'san weyu pe iwesi pi', ²⁰ iya'kwar_u p_unon enupanin pe iwesi

kon pi', aiko ton nu'kwɪ mure amɔ' ti'saai pe iwesi pi', apune pɔra main esi wakɔ pe i'tuto' miri awonsi'ki i'nairon yen pe — ²¹ Imiri si, tɔron kon enupanin, iiwano' pe pe' iusenupa pen ni? Imiri ama' pe e'ni namai' itekare ekamanin, ama'manin pe' imiri? ²² Imiri iyemari'masa' kon ka'pon amɔ' kɔsekumanin tawon, tekumasen pe' imiri? Imiri papa tato' ipi' pe ika'sa' itewaruma, ipɔreman nito', use'man nito' iwɔ' ton pe' rapumanin imiri? ²³ Imiri main pi' tɔutapurisen, main pe' ti'kwɪ'se Papa namanin pe pɔra te'sen imiri? ²⁴ Iye'menukasa' na'ne' kasa: “Papa ese' e'sapema Esuwerɔ amɔ' pen koro'tau imiri'nokon uriya',”† tawon.

²⁵ Itepe' e' pe un pi'pi puturɔkato' esi main awiri iwesi yau, e'tane main i'kwɪtɔ auya yau, itun pi'pi puturɔkasa' pen pe ri iyena. ²⁶ Kamoro itun pi'pi iputurɔkasa' kon pen e'sa' main e'to' i'se awiri, itun pi'pi iputurɔkasa' kon pe pe' to' kupɔ pen? ²⁷ Kɔri ipun pe itun pi'pi iputurɔkasa' pen, miripan e'tane main awiron, uya iyeno'ma miri, imiri iye'menukasa' main tensen pe esa'‡ miri awonsi'ki un pi'pi puturɔkato' esa', esi main i'kwɪ'nin pe.

²⁸ Ka'pon esi pen miri Esuwerɔ pe kuru kipo'po ri kɔri ri pe iyesi yau, miri awonsi'ki kipo'po ri, ipun pe ri un pi'pi puturɔkato' esi niri pen ni. ²⁹ Kane, ka'pon esi miri Esuwerɔ pe kuru tɔyau kɔri ri pe tesi yau; miri awonsi'ki un pi'pi puturɔka esi tepe' ke ri ewan wannɪ ma'kɔɔi'ti

† **2:24** Aisaya 52:5; Isi'kiyerɔ 36:22 ‡ **2:27** iye'menukasa' main tensen pe esa'; miri pe pɔra, iye'menukasa' tensen pe main wini

kasa, iya'kwaru wini, iye'menukasa' main na'ne' awiron pen ni. Puse ri waraino ka'pon apuripi'to' esi miri ka'pon winipaino pen, e'tane Papa winipaino pe.

3

Papa Tausauroka'pu Awiron

¹ I'ri eponin pe ken si e'ni Esuweru pe e'ni yau, miri pe para i'ri epe' pe yun wannu pi'pi puturaka?

² Eke pe ri tanporon yau ri! Tanporon wapiya, Papa maimu kuru ri e'nonka'pu miri to' ena'.

³ I'ri pe ken iyesi to' tonpa ton uya apurito' para iyesi yau? To' uya apurito' para iyesi uya Papa e'to' tausauro'sa' awiri para kupu? ⁴ Pen kuru ri! Tiwi Papa nesii i'nai ri, miri awonsi'ki tanporon kon e'tane kasi ye' pe. Iye'menukasa' na'ne':

“Ipokena' pe iusi'tu pa amaimu yau

iyeseru aimenkato' yau itentai iyena pa,”*
tawon.

⁵ E'tane ipoken para e'nito' uya Papa e'to' ipoken enpoika waku pe kuru, i'ri ken si ta? Papa esi waku pe para ri uya kota'man nito' nepu upona'nokon ta? (Ka'pon e'sei'pi'to' e' pe ri nin si e'kapu.)

⁶ Miri kasa iyesi pen! Miri kasa iyesi yau, nai kasa Papa non eseru aimenkai'no? ⁷ Ka'pon ni entarumu, “Kasi ye' pe esi uya Papa e'to' i'nairon pe koneka yau eke pe iku'to' temo'kai', i'rito' pe ken si tumakooikenan pe uyeno'ma?” ⁸ Tapai para pe' nai—kasi ye' pe ri ina pi' usauro'nisa' na'ne' kasa miri awonsi'ki taron kon uya ikupu, ina uya

—“Iri ku'pai'nokon waku pe itepe'pu e'to' pe,” ta, ta para? To' eno'mato' esi miri i'se to' e'to' pe ri.

Inu' Ipoken Te'sen Pan Ni

⁹ I'ri ken si? Ina ken pe' si Esuweru amu' esi waku† ton pe? Pari pen ni! Ekamaka'sa'nokon ni miri, Esuweru amu' miri awonsi'ki Esuweru amu' pen esi miri isi'kaisa ri makoi o'no.

¹⁰ Iye'menukasa' na'ne' kasa:

“Inu' ri para iyesi ipokena' pe te'sen, tikin nan para ri;

¹¹ inu' ri para iyesi ito'ka'nu'nin, inu' ri Papa warinpanin.

¹² Tanporon kon ni era'tisa' isi'kaisa ri siya tanporo ri to' enasa' se pe ri;

inu' ri para iyesi waku ku'nin, tikin nan para ri.”†

¹³ “To' esen ton esi emenna' ton akasa' uruwai' ton pe;

to' ani ton esi enku'tin nito' ku'nin pe.”§

“Iku' urarii ri esi to' e'pi pi'.”*

¹⁴ “To' mata ton epe'tipi'sa' e'pa'nu'nito' miri awonsi'ki isipi' e'nito' ke.”†

¹⁵ “Aitune' pe ri to' pata ton esi man ennoko pi';

¹⁶ to' uti'pu e'ma'pu tau uma'tan nisa' miri awonsi'ki usewankaman nito' e'nimi,

¹⁷ miri awonsi'ki tusewankamai' para ka'pon uko'manto' ku'to' to' ni'tunu pen.”†

† **3:9** waku, miri pe para iri † **3:12** Eren 14:1-3; Eren 53:1-3; E'kirisyastes 7:20 § **3:13** Eren 5:9 * **3:13** Eren 140:3 † **3:14** Eren 10:7 † **3:17** Aisaya 59:8

18 “Papa pi' to' enari'nanto' p̄ra ri iyese to' enu yau,” §
tawon.

19 Ser̄i si i'tu'nokon, tanporo main uya tasa' na'ne', ta iya kamoro main o'no na'ne' nan pi', tanporo m̄ta e'tutakato' pe miri awonsi'ki tanporo non pon kon e'to' pe Papa pi' ekamanin pe.

20 Miri pe iyese pi', inu' ri anumu Papa uya p̄ra iyese ipokena' tukai' main kupu iya pi'; e'tane ru'ku, main poro makoi i'tunin pe enan.

Ipoken E'ni Apurito' Poro

21 E'tane nin si ser̄i Papa uya ka'pon am̄' ananto' ipokenan pe usi'tusa', main piyapai, main, Mosi' winon miri awonsi'ki Pu'kena' am̄' nekamayi'ne'. 22 Ser̄i ipoken e'nito' usi'tusa' uyepu Sises K̄rai apurito' poro tanporon kon apurinin nan piya'. T̄ponaron p̄ra ri iyese, 23 ap̄ne p̄ra tanporon kon ni umakoitasa' miri awonsi'ki to' u'ma'sa' mi airi ri eke pe Papa ku'to' tepose p̄ra, 24 miripan kon ekonekasa' t̄use'mai' p̄ra waku nonkasa' iya wini e'man nito' poro iye'sa' K̄rai Sises wini. 25 Papa uya it̄sa' use'man nito' ike pe upi'nokon t̄usentu'mato' pe* im̄nu apurito' poro. Ser̄i ku'sa' iya ipokena' pe tesi ekamanin pe, ap̄ne p̄ra a'k̄are'tinin pe tesi ke makoi ton pena iye'ku'sa' ru'san nonka'p̄a iya t̄poni'simai' p̄ra— 26 ikuu'p̄a iya ipoken tesi ser̄i a'tai tukai' enpoikanin pe, ipoken teseru esi enpoikanin pe

§ 3:18 Eren 36:1 3:20 Eren 143:2; Kare'siya 2:16 3:22
Kare'siya 2:16 * 3:25 use'man nito' ike pe upi'nokon
t̄usentu'mato' pe; miri pe p̄ra, k̄ri tukota'man nito' i'ni'panu'nin,
makoi mo'kai'ma

miri awonsi'ki ka'pon amu' anunnin pe ipokena' pikiron kon pe Sises apurito' wini.

27 Nai ken si utapurin nito'? Miri para ri iyese. I'ri iteseru pe? Main pe' awiri e'ni pi'? Kane, e'tane apurito' pi'. 28 Apune para ka'pon anamu Papa uya ipokena' pe ta'nokon apurito' wini main awiri e'ni wini para. 29 Papa pe' esi Esuweru amu' riken e'to' itese' pi' pe? Esuweru amu' pen e'to' itese' pi' ri niri pen pe' kari? Ewai', Esuweru amu' pen ni niri, 30 tikin ni riken Papa esi pi', ka'pon itun pi'pi iputurukasa' ananton apurito' wini miri awonsi'ki itun pi'pi iputurukasa' pen miri ri mari apurito' poro. 31 Apurito' pi' ken pe' si usauro' ni uya main, Mosi' winon para iye'to' pe ikupu? Pari pen ni! E'tane ru'ku, main awiri e'ni'nokon.

4

Epura'an Ekoneka'pu Apurito' Wini

1 I'ri ken si eporo'pu utamokori kon Epura'an uya seri rupi pi' ta seri? 2 Epura'an anansa' pe iyese yau ipokena' pe inkuu'pu wini, itapurito' ipi' esi miri—e'tane Papa rau pen. 3 I'ri ta imenukasa' itekare uya? “Epura'an uya Papa apuri'pu, miri pi' ipokena' pe iyese,” ta'pu ipi'.*

4 Ka'pon e'turawasoma a'tai, itepe'pu esi miri irepato' ike tukai' iyese pen ni e'tane iye'turawasomasa' ru'pu ipi' pe iyese. 5 E'tane ri, kari ka'pon te'turawasomasen pen pona e'tane Papa apurinin iri ka'pon anunnin ipokena' tukai', apurito' iya uya ikupu Papa uya ananto' pe

3:30 Isu'taronomi 6:4; Kare'siya 3:20 * 4:3 Iseneses 15:6; Kare'siya 3:6; v. 22 niri

ipokena' tukai'. ⁶ Tepi' uya miri ri mari ta isauroku a'tai ka'pon e'to' pi' pori' pe Papa uya anamu a'tai ipokena' pe iyesi tukai', inkupanu pikiri pen:

⁷ "Pori' pe kamo esi

iri to' nukuu'pu pi' usentu'man nisa' kon

miri awonsi'ki imakooi ton inipontisa' na'ne' nan.

⁸ Pori' pe kari ka'pon esi

imakooi i'tuto' Itepuru uya pen ipi',"†

ta.

⁹ Seri pori' pe e'nito' pe' esi itun pi'pi iputurakasa' kon iwano' pe riken, miri pe para itun pi'pi iputurakasa' kon pen ni niri kati iwano' pe iyesi? Epura'an anamu'pu ipokena' tukai' apurito' iya pikiri ta pi' e'nisa'. ¹⁰ I'ri waraino ton o'noro seri e'kuu'pu? Itun pi'pi puturaka'pu tupo pe' iyesi'pu, miri pe para irawiri kati? Miri tupo pen e'tane miri rawiri! ¹¹ Miripan uya tuyun pi'pi puturakato' eporo'pu ento' ipi' pe, Papa uya anansa' ipokena' pe enpoikanin pe apurito' iya wini, itun pi'pi puturakasa' pe para ri mari iyesi koro'tau. Miri pe iyesi pi', tanporon kon apurinin nan kaupanu pe iyesi e'tane itun pi'pi iputurakasa' kon pen, anansa' kon tato' pe to' pi'. ¹² Miri awonsi'ki itun pi'pi iputurakasa' kon kaupanu pe ri mari iyesi, itun pi'pi iputurakasa' kon pe riken to' esi pen e'tane tautisan ni mari apurito' pata'pu awiri ukupanu kon Epura'an enau iye'sa' ru'pu itun pi'pi puturaka rawiri.

¹³ Main poro Epura'an miri awonsi'ki imunki amu' uya iku'to' pe uya tukai' usauro'nisa' eporo'pu pen non ananto' iya, e'tane anan nito'

† 4:8 Eren 32:1-2 4:11 Iseneses 17:10

tɔyue'sen apurito' wini. ¹⁴ Apune pɔra kamoro tɔuko'mansan main awiri riken esi yau anɔnnin nan pe, apurito' esi miri itepe' pe pɔra ri miri awonsi'ki iku'to' pe uya tukai' usauro'nisa' esi miri se pe ri, ¹⁵ apune pɔra main uya kota'man nito' nepɔ. Miri awonsi'ki main pɔra na'ne' airi main awiri pɔra e'nito' pɔra iyesei.

¹⁶ Miri pe iyesei pi', iku'to' pe uya tukai' usauro'nisa' uyepɔ apurito' wini, iye'ku'to' pe waku nonkasa' wini, miripan e'kupɔ miri a'tai tanporo Epɔra'an munki amɔ' pi'—kamoro riken main pi' te'san pen e'tane kamoro Epɔra'an uya apurito' pi' te'san ni mari. Tanporo ukɔipɔnɔ kon pe iyesei.

¹⁷ Iye'menukasa' na'ne' kasa: “Ikonekasa' uya miri tu'kan kon tɔpataron kon kɔipɔnɔ pe,”[†] tawon. Epɔra'an esi ukɔipɔnɔ kon pe Papa enu yau, inapuriɔ—Papa uko'man nito' tɔnin iyeri'sa' ena' miri awonsi'ki i'ri ri esa'nin moro ipɔra ri iye'tane moro iyesei kasa.

¹⁸ E'ku'nito' ipi' pɔra kasa ri iye'tane, te'ku'to' yau ri Epɔra'an uya apuri'pɔ, miripan ena'pɔ tu'kan kon tɔpataron kon kɔipɔnɔ pe, ta'pɔ na'ne' tɔpi' kasa ri, “Miri kasa kuru apayan nɔ'san e'to' oton,”[§] tawon. ¹⁹ Apurito' tɔuya yau ti'si'mɔnka'nɔ'se pɔra, i'tu'pɔ iya ri tɔpun eri'sa' pe ri—apune pɔra 100 e'to' airi ri tɔwɔipiyaai esi pi'—miri awonsi'ki Sera mɔre yen ni niri esi'pɔ iyeri'sa' pe. ²⁰ E'tane ri Papa uya ikupɔ tɔuya tukai' tauro'ka'pɔ apuri'pɔ iya, apurito' iya

4:13 Iseneses 17:4-6; 22:17-18; Kare'siya 3:29 **4:14** Kare'siya 3:18 **4:16** Kare'siya 3:7 [†] **4:17** Iseneses 17:5 [§] **4:18** Iseneses 15:5 **4:19** Iseneses 17:17

umeruntita'p_u, miripan uya Papa apuripitu'p_u,
 21 ipan pe ti'tui' Papa esi merunti ri ikup_u t_uuya
 tukai' t_usauroku'p_u ku'nin ye'. 22 Miri wenai,
 "Papa uya an_um_u'p_u ipokenan tukai'," tasa' iya.
 23 Main, "iku'to' esi'p_u miri," tawon e'menuka'p_u
 kari ri iwano' pe riken pen, 24 e'tane uri'nokon
 ni niri iwano' pe, an_unsa' pe ipoken e'nito'
 e'ku'to' oton na'ne'—uri'nokon apuripi' na'ne' nan
 uyepuru kon Sises i'm_u'sa'kasa' iya pi' eri'nito'
 apai. 25 Itur_u'p_u eri'nito' ya' umakooi kon wenai,
 miripan i'm_u'sa'ka'p_u iko'manto' ya' wak_u pe
 ekonekan nito' pe Papa enu yau.

5

T_uusewankamai' P_ura Miri Awonsi'ki Pori' Pe E'ni

1 Miri pe iyese pi', apurito' poro Papa uya
 uyan_unsa' kon ipokena' pe pi', usewankaman
 nito' p_ura iyese* Papa pokon pe e'ni pi' Sises K_urai,
 uyepuru kon poro, 2 iporo epoto' eposa' apurito'
 wini seri eke nonkasa' iya' iyau e'm_u'sa'kan
 nisa'nokon na'ne'. Miri awonsi'ki epori'ma'nokon†
 ipokon pe Papa ku'to' eke pe yau e'ni'nokon
 pi' e'ku'nito' yau. 3 Miri kasa riken pen, e'tane
 epori'ma'nokon ni niri ekota'ma'nokon yau, ap_une
 p_ura i'tu'nokon ekota'man nito' uya sa'man awiri
 iku'to' enpa'ka; 4 sa'man awiri iku'to' uya, eseru
 wanni; miri awonsi'ki eseru wanni uya e'ku'nito'
 enpa'ka. 5 Miri awonsi'ki e'ku'nito' uya ika'ni' p_ura

4:25 Aisaya 53:4-5 * 5:1 usewankaman nito' p_ura iyese; miri
 pe p_ura, t_uusewankamai' p_ura e'nito' esa' pe e'nipai'nokon † 5:2
 epori'ma'nokon; miri pe p_ura, epori'manpai'nokon; v. 3 yau ri niri

ku'ni pen, apune para Papa uya tuisi'nunkato' nonkasa' uyewan kon ya' Waku A'kwaru wini, itusa' iya na'ne' uyena'nokon.

⁶ Menyatuu, iweyu a'tai kuru sa'ne, imeruntiru para ri mari e'ni'nokon a'tai, Kurai† eriku'pu Papa uya tasa' pen awiron kon iwano' pe. ⁷ Iteseru pen ni inu' ri eriku' para iyese ipokena' pe te'sen ka'pon iwano' pe, waku ka'pon iwano' pe inu' ri e'to' e'tane eri'pai itiwano' pe. ⁸ E'tane Papa uya ui'nunkato' kon tauya ya' ri enpoika waku pe seri yau: Tamakooikenan pe ri mari e'ni'nokon koro'tau, Kurai eriku'pu uiwano' kon pe.

⁹ Papa uya anan nisa' ipokena' pe pi' imanuu wini, miri entai ri epika'tin nito' oton kon iporo Papa uya kota'man nito' apai! ¹⁰ Apune para, Papa eyaton pe e'nisa'nokon yau, itonpa pe enan nisa'nokon Imu eri'to' poro, miri entai nin si, itonpa pe enan nisa' epika'tito' oton iko'manto' poro! ¹¹ Seri riken ni esi pen miri kasa, e'tane epori'man ni mari Papa yau Sises Kurai, uyepuru kon poro, iporo Papa tonpa pe enan nisa' eposa'nokon na'ne'.

Uma'tan Nito' Atan Poro, Uko'man Nito' Kurai Poro

¹² Miri pe iyese pi', makoi ewomu'pu non pona tikin nan ka'pon poro na'ne' kasa kuru, miri awonsi'ki uma'tan nito' makoi poro, miri awonsi'ki seri na'ne' kasa uma'tan nito' uyee'pu tanporon kon ka'pon amu' pona. Seri ta uya, apune para tanporon kon umakoitasa' pi'. ¹³ Main, Mosi' winon e'taru rawiri, makoi esi'pu non po.

† **5:6** Kurai; miri pe para, Me'saya; Papa Nanumu'pu ta e'kwa pe; v. 8 yau niri. **5:12** Iseneses 3:6

E'tane makoi miri tato' p̄ra iyese main p̄ra na'ne' airi. ¹⁴ Miri nin si e'tane, uma'tan nito' e'sa' esa' wann̄i pe Atan si'kiri Mosi' p̄'k̄ pona, kamoro ri main ti'kw̄i'se, Atan kasa imakoitasa' kon pen ni esa' pe, t̄u'ye'ton ento' ipi' pe te'sen.

¹⁵ E'tane repan nito' ike esi iri ku'sa' Atan uya na'ne' warai pen ni. Ap̄ne p̄ra tu'kan kon eri'sa' pe iyese yau t̄ikin nan ka'pon uya iri ku'sa' pi', miri entai Papa uya wak̄ nonkasa' miri awonsi'ki repan nito' t̄ikin nan ni ka'pon, Sises K̄rai uya wak̄ nonkasa' wini iye'sa', tu'kan kon ni ka'pon am̄' uya eposa' eke pe kuru ri! ¹⁶ Repan nito' ike, kanan, esi pen t̄ikin nan ka'pon, Atan umakoitasa' moron n̄'p̄ kasa: Eseru aimenkato' esi t̄ikin nan makoi e'ma'p̄ka pi', miripan uya eno'man nito' nep̄; e'tane repan nito' uya tu'kan ni iri ku'pi'sa' e'ma'p̄ka, miripan uya an̄n nito' ipokena' pe nep̄. ¹⁷ Ap̄ne p̄ra t̄ikin nan ka'pon uya iri ku'sa' wini, uma'tan nito' e'sa' esa' wann̄i pe yau k̄ri ri t̄ikin nan ka'pon poro, miri entai kuru kamoro eke pe ri wak̄ Papa n̄nonka'p̄ eponin nan miri awonsi'ki an̄n nito' Papa uya ipokena' pe n̄t̄ar̄n̄ esi esa' wann̄i pe uko'man nito' yau t̄ikin nan ni ka'pon, Sises K̄rai poro.

¹⁸ Miri moron n̄'p̄ pe, t̄ikin nan ka'pon n̄kuu'p̄ iri moron n̄'p̄ pe tanporon kon ka'pon am̄' eno'mato' esi'p̄ kasa, miri kasa ri mari t̄ikin nan Papa maimu awiri e'n̄ito' ku'sa' moron n̄'p̄ esi'p̄ an̄n ni Papa uya ipokena' pe uko'man nito' ne'nin pe tanporon kon ka'pon am̄' iwano' pe. ¹⁹ Ap̄ne p̄ra t̄ikin nan ni ka'pon e'sa' pi' main awiri p̄ra iporo tu'kan kon ni ena'p̄ t̄makooikena' nan pe, miri kasa ri mari t̄ikin nan

ni ka'pon esi pi' main awiron pe tu'kan kon ni anɛmɛ Papa uya ipokena' ton pe.

²⁰ Main e'tonpa'ti'pɛ iri e'kupɛ epanto' pe. E'tane makoi epansa' yau, wakɛ nonkasa' epansa' mi-yari ri, ²¹ makoi esi'pɛ na'ne' kasa esa' wannɛ pe uma'tan nito' yau, miri kasa ri mari wakɛ nonkasa' e'to' pe esa' wannɛ pe Papa uya anɛn ni ipokena' pe poro tiwiro' ri uko'man nito' ne'nin pe Sises Kɛrai, uyepuru kon poro.

6

Eri'nisa' Makoi Ya', Nurine E'ni Kɛrai Yau

¹ I'ri ken si ta'nokon seri, miri a'tai? Umakoi-tan pi' ri e'ni'nokon, wakɛ nonkasa' epanto' pe? ² Kane ku! Uko'man nito' iri yau eri'sa'; nai kasa iyau ri mari uko'man ni pi' e'ni? ³ Miri pe pɛra, i'tu auya'nokon pɛra kati iyesi uri'nokon tanporo iyepa'taisimasa' kon Kɛrai Sises ya' epa'taisima'pɛ ima'tato' ya'? ⁴ Iye'u'na'tisa' pe ri e'ni'pɛ'nokon; miri pe iyesi pi', ipokon pe epa'taisiman nito' poro uma'tan nito' ya', Kɛrai e'mɛ'sa'ka'pɛ teriku'pɛ apai kasa kuru eke pe Ikuipɛnɛ ku'to' poro, uri'nokon ni niri uko'manto' pe iyesi emenna' uko'man nito' yau.

⁵ Ima'tato' yau ipokon pe uta'si'nisa' yau, ipokon pe kuru ri mari uta'si'ni'nokon miri iye'mɛ'sa'kato' yau. ⁶ Apɛne pɛra i'tu'nokon pena e'nito' eseru pokapitɛ'pɛ kurusu' pona ipokon pe makoi pun enato' pe i'si'mɛra,* makoi poitorɛ ton pe pɛra e'nito' kon pe— ⁷ apɛne pɛra iyeri'sa' pe na'ne' emo'kasa' makoi apai.

6:4 Koro'se 2:12 * **6:6** i'si'mɛra; miri pe pɛra, eno'mato' kon pe

⁸ Eri'nisa' pe iyesi yau Kurai pokon pe, apuri'nokon ipokon pe ri mari uko'man ni'nokon tukai'. ⁹ Apune p̄ra i'tu'nokon pi' Kurai e'mu'sa'kasa' pi' eri'nisa' apai, iyeri'kapu pen kanan; itentai uma'tan nito' esi pen. ¹⁰ Uma'tan nito' iyeriku'p̄ na'ne' yau, iyeriku'p̄ makoi ya' tikin ite'kwa t̄nakonomaton pe p̄ra ri; e'tane si iko'manto' n̄ako'manu'ai'ne', iko'mamu Papa iwano' pe i'se iye'to' awiri.

¹¹ Miri kasa si, isi'tuti' iri yau iuko'manto' kon eri'sa' pe e'tane nurine Papa iwano' pe Kurai Sises yau. ¹² Miri pe iyesi pi', makoi k̄se'nin t̄uma'tasen ipun kon esa' pe iri i'se iye'to' awiri iwesi kon pa. ¹³ Ipun kon p̄ku ri k̄t̄t̄t̄t̄u makoi ena', iri ku'to' ike pe, e'tane e'tuti' ru'ku Papa ena', kamoro uma'tan nito' apai uko'man nito' ya' iyera'tisa' kon pe; miri awonsi'ki ipun kon p̄ku ituti' itena' ipoken e'nito' ku'to' ike pe. ¹⁴ Apune p̄ra makoi e'to' pe p̄ra iyesi iyepuru kon pe, apune p̄ra main o'no iwesi kon pen, e'tane waku nonkasa' o'no.

Ipoken E'nito' Poitoru Pe E'ni

¹⁵ Miri a'tai si, i'ri ken? Umakoita'nokon ken pe' si apune p̄ra main o'no p̄ra e'ni pi' e'tane eke waku nonkasa' o'no e'ni pi'? Kane ku! ¹⁶ I'tu auya'nokon p̄ra pe' iyesi iye'tusa' kon a'tai ka'pon ena' imaimu awiri iwesi kon pa ipoitoru ton pe, imaimu awiri iwe'to' kon poitoru pe iwesi kon? Makoi poitoru pe iwesi kon yau, uma'tan nito' ya' anin, miri pe p̄ra main awiri e'nito' ya', ipoken uko'man nito' ya' anin. ¹⁷ E'tane tenki tapai'nokon Papa pi', makoi poitoru pe ri iwe'pi'sa' kon e'tane,

tanporo iyewan kon pokon pe iyenufato' kon awiri iwe'sa' kon iye'tusa' kon na'ne' ya'. ¹⁸ Makoi apai iyemo'kasa' kon; ipoken e'nito' Papa enu yau poitoru pe iyenasa' kon.

¹⁹ Ka'pon pe e'nito' yau ekama uya apune para i'si'mara a'naino kon iyeseru kon yau iwesi kon pi'. Ipun kon pu'ku tupa'pu auya'nokon kasa kuru iri poitoru pe, eke pe ri tepansen iri ena', miri kasa si itati' ipoken Papa enu yau poitoru pe e'nito' ya', waku pe iwesi kon pa. ²⁰ Makoi poitoru pe iwesi kon a'tai, ipoken te'sen Papa enu yau ku'to' auya'nokon para ri iyesi'pu. ²¹ Iri ken si waku mepota'tui miri a'tai seri pe ipi' si mipiyi'atui'ne' apai? Miri ton moron nu'pu esi uma'tan nito'! ²² E'tane nin si, iyemo'kasa' kon pi' makoi apai miri awonsi'ki Papa poitoru pe nin si iyenasa' kon, waku si ineporonu kon esi ayanin kon waku pe e'nito' ya', miripan moron nu'pu esi inke ri uko'man nito'. ²³ Apune para makoi epe'pu esi uma'tan nito', e'tane Papa e'repato' ike esi inke uko'man nito' Kurai Sises, uyepuru kon poro.†

7

Ento' Ipi' Emari'man Nito' Apai

¹ I'tu auya'nokon para pe' nai, utonpa ton —ka'pon amu' main, Mosi' winon i'tunin nan auro'ka uya seri—merunti pe ka'pon pi' main esi iko'mamu pu'ku pona riken? ² Ento' ipi' pe, iye-mari'masa' uri'san utauronsa' miri tutaan'pu pona nurine iyesi koro'tau, e'tane itaan'pu eri'sa' yau, iyemo'kasa' nin si miri emari'man nito' ku'nin

† 6:23 poro, miri pe para yau

main apai. ³ Miri a'tai nin si, taron ni warawo' ya iyemari'masa' yau nurine ri tutaan'pu esi koro'tau, tekumasen temari'masa' e'tane ta miri ipi'. E'tane itaan'pu eri'sa' pe iyese yau, iyemo'kasa' miri main apai, miripan esi tekumasen temari'masa' e'tane tato' ipi' pe para, taron ni warawo' mari'ma tane iya ri.

⁴ Miri kasa si, utonpa ton, imiri'nokon ni niri main yau iuko'manto' kon apai iyeri'sa' kon Kurai pun poro, taron ni iwano' pe iwesi kon pa, kuri iye'mu'sa'kasa' ru'pu teriku'pu apai, Papa iwano' pe epetan nito' pe. ⁵ Apune para u'naino kon umakooi kon* esi a'tai uyesa' kon pe, iri inku'pai e'nito' upakasa' main wini esi'pu e'turawasoman pi'upun kon yau, miri si epetan ni'pu uma'tan nito' iwano' pe. ⁶ E'tane seri pe nin si, uyauron nin nu'pu kon ya' eri'ni wini, emo'kan nisa' main apai emenna' Iya'kwaru eseru yau iyapiyo' pe e'nito' kon pe, miri awonsi'ki penaro' iye'menukasa' main awiron pen ni.

Makoi Ya' E'suran Man

⁷ I'ri ken si ta'nokon seri, miri a'tai? Makoi pe pe' main esi? Ta pen ni! I'nai ri, makoi miri tukai' si'tui'no pen ni, e'tane main poro nin i'tusa' uya. Apune para si'tui'no pen ni tonpa iwano' i'se e'nito' ipan pe, main uya, "Itonpa iwano' i'se kesii ipan pe,"† tasa' para iyese yau. ⁸ E'tane makoi, iku'to' uya iwini ta'sii' apiyontin nito' wini, uya uyau tanporon ni i'se ipan pe esi ku'sa'. Apune para main para iyese a'tai, makoi esi iyeri'sa' pe. ⁹ Pena

* 7:5 umakooi kon; miri pe para, ipun; v. 25 yau ri niri † 7:7 E'sotas 20:17; Isu'taronomi 5:21

nurine iye'sa' ru'pu uri main para iyese a'tai; e'tane apiyontin nito' uye'sa' a'tai, makoi usenpoika'pu, ¹⁰ miri awonsi'ki eriku'pu si. I'tu'pu uya miri ri si miri main uko'man nito' ne'nin pe iku'sa' uya ri uma'tan nito' kuru ri nee'pu.

¹¹ Makoi uya apiyontin nito' apurisa' miripan uya uyenku'tisa' uya uwisa' miri main poro. ¹² Miri pi', main esi waku pe, miri awonsi'ki apiyontin nito' esi waku pe, ipokena' pe, miri awonsi'ki waku pe. ¹³ Miri ken pe' si waku pe te'sen ena'pu miri upona uma'tan nito' pe? Kane ku! E'tane makoi e'to'ka'ne'to' pe makoi pe, uma'tan nito' ku'sa' iya uyau waku pe te'sen poro ri, main uya apiyontin nito' poro makoi enato' pe ti'tusen pe iri pe kuru ri.

¹⁴ I'tu'nokon main esi Papa A'kwaru winon pe; e'tane uri esi Iya'kwaru pikiron pe para, ikurapo'pomasa' pe makoi poitoru pe. ¹⁵ Unkupunu i'tu uya para ri iyese, apune para inku'pai e'to' kupu uya para iyese, e'tane uyewaruma kupu uya. ¹⁶ Miri awonsi'ki, inku'pai para e'to' kupu uya yau, waku pe main esi ta uya ri. ¹⁷ Iyese na'ne' kasa, uri pe iyese pen naku'ai'ne', e'tane makoi uyau nako'manyai'ne'. ¹⁸ I'tu uya waku uko'mamu para iyese uyau, miri na'ne' u'naino ipan makoi yau.† Apune para waku pe na'ne' inku'pai esi, e'tane ari uya para iyese. ¹⁹ Apune para siku'ai'ne' esi waku inku'pai e'to' pe para; iri, inku'pai para e'to' kupu uya—seri kupu pi' ri uko'mamu. ²⁰ Seri si inku'pai e'to' pen kupu

7:11 Iseneses 3:13 **7:15** Kare'siya 5:17 † **7:18** makoi yau; miri pe para, upun yau

uya yau, uri uya ikup_u pen, e'tane makoi uyau n_uko'manyai'ne' uya ikup_u.

²¹ Miri kasa si, seri main e't_urawasoma pe i'tusa' uya: Wak_u inku'pai esi a'tai, iri esi miri moro upiyau. ²² Uyau Papa iwano' main pi' tepori'masen uri; ²³ e'tane t_uron ni main e't_urawasoma ene uya upun p_u'k_u ton yau, usenuminkato' iwano' main pokon pe usewa'noma kup_u iya, miripan uya ukoneka main iwano' makoi na'si'p_u pe, te't_urawasomasen upun p_u'k_u ton yau. ²⁴ Pokoi ri sa'ne uri! In_u' uya upika'ti seri uma'tan nito' meruntir_u apai uyau e't_urawasoman pi' na'ne'? ²⁵ Tenki ta Papa pi'—Sises K_urai, uyepuru kon poro!

Miri pi' si, uri ri usenuminkato' yau esi Papa iwano' main poitor_u pe, e'tane u'naino makoi yau makoi iwano' main poitor_u pe esi.

8

Uko'man Nito' Iya'kwar_u Poro

¹ Miri pe iyese pi', kamoro K_urai Sises yau na'ne' nan eno'mato' p_ura iyese seri pe,* ² ap_une p_ura K_urai Sises poro uko'man nito' A'kwar_u iwano' main uya umo'kasa'† makoi miri awonsi'ki uma'tan nito' iwano' main apai. ³ Ap_une p_ura main, Mosi' winon esi'p_u na'ne' i'si'm_ura ikup_u iya p_ura, i'naino makoi‡ uya a'tu'm_unka'n_u'sa'

* **8:1** T_uron ni ton emen imenukasa' ton uya iponantipi'sa', t_uko'mansan i'naino makoi awiri p_ura e'tane a'kwar_u awiri,

† **8:2** umo'kasa'; t_uron ni imenukasa' ton yau, imo'kasa' kon; t_uron ni ri mari yau, umo'kasa' kon ‡ **8:3** i'naino makoi; miri pe p_ura, ipun; v. 4-5, 8-9, 12 yau ri niri

ke, Papa uya ikuu'p_u tiwano' t_umu tenno'se t_umakooikenan ka'pon kasa makoi mo'kanin pe t_ut_usen pe. § Miripan uya makoi eno'ma'p_u t_umakooikenan ka'pon yau,* 4 ipokena' pe e'ni i'se main e'to' e'seposa' e'to' pe eke pe uyau'nokon, u'naino kon umakooi kon pikiri t_uuko'mansan pe pen e'tane uri'nokon Iya'kwar_u pikiri t_uuko'mansan.

5 Kamoro t_uuko'mansan ti'naino kon t_umakooi kon awiri uya t_uusenuminkato' kon t_usa' miri ti'naino kon e'to' i'se pona; e'tane kamoro t_uuko'mansan Iya'kwar_u awiri uya t_uusenuminkato' kon t_usa' miri Iya'kwar_u e'to' i'se pona. 6 T_umakooikenan ka'pon usenuminkato'† esi uma'tan nito', e'tane Iya'kwar_u e'to' itesa' pe te'sen usenuminkato' esi uko'man nito' pe miri awonsi'ki usewankaman nito' pen; 7 ap_une p_ura t_umakooikenan usenuminkan nito'‡ esi isi pe Papa pi'. Papa iwano' main ya' iye't_ur_u p_ura iyesi, miri kup_u iya poken p_ura ri niri iyesi. 8 Kamoro to' i'naino makoi e'to' itesanon pe uya Papa pori'ma poken p_ura ri iyesi.

9 E'tane ri, imiri'nokon a'naino kon amakooi kon esi pen iyesa' kon pe, e'tane Iya'kwar_u, Papa A'kwar_u uko'mam_u yau ayau'nokon. Miri awonsi'ki in_u' ri esi yau K_urai A'kwar_u esa' pe p_ura, K_urai iwano' pe p_ura ri iyesi. 10 E'tane ayau'nokon

§ 8:3 makoi mo'kanin pe t_ut_usen pe; miri pe p_ura, makoi iwano' pe * 8:3 t_umakooikenan ka'pon yau; miri pe p_ura, ipun yau † 8:6 T_umakooikenan ka'pon usenuminkato'; miri pe p_ura, Usenuminkan nito' e't_usa' pun pi' ‡ 8:7 t_umakooikenan usenuminkan nito'; miri pe p_ura, usenuminkan nito' e't_usa' pun pi'

Kurai esi yau, ipun kon esi iyeri'sa' pe apune para makoi esi pi', e'tane aya'kwaru kon esi nurine apune para Papa uya ayanumu kon pi' ipokena' ton pe. ¹¹ Miri awonsi'ki Sises i'mu'sa'kanin nu'pu iyeriku'pu apai A'kwaru uko'mamu yau ayau'nokon, kuri ri Kurai i'mu'sa'kanin nu'pu iyeriku'pu apai uya ri mari tumata'sen ipun kon repa miri iko'manto' ke Ta'kwaru poro, ayau'nokon nako'manyai'ne'.

¹² Miri pe iyese pi', utonpa ton, unkurunu kon kuru esi—e'tane u'naino kon umakooi kon pi' pen, tuko'mansan pe iteseru awiri pen. ¹³ Apune para iuko'mamu kon pe iyese yau a'naino kon amakooi kon awiri, iyeriku kon; e'tane Iya'kwaru wini ipun nukuru'pu ipoken para tusa' auya a'tai ima'tato' ya', iuko'mamu kon ni, ¹⁴ apune para kamoro, Papa A'kwaru narinu ton esi Papa munki pe pi'. ¹⁵ Apune para iya'kwaru eposa' auya'nokon para iyese enari'ke' pe e'ni poitoru pe kanan iwesi kon pa pen, e'tane Iya'kwaru eposa' auya'nokon imunki pe ikonekanin kon, § miripan wini, “Apa,* Papai,” ta'nokon. ¹⁶ Iya'kwaru uya ekama tiwano' pe uya'kwaru kon pokon pe, uri'nokon esi Papa munki pe tukai'. ¹⁷ Seri si munki pe e'ni'nokon yau, inturu anunnin pe e'ni—Papa nuru anunnin pe miri awonsi'ki Kurai nanumu inturu anunnin pe iya'kiri, i'nai ri iyekota'mato' yau e'nisa' yau, eke pe iku'to' yau ri mari e'nito' pe.

8:11 1 Koren 3:16 § **8:15** imunki pe ikonekanin kon; miri pe para, tumunki pe imo'kanin kon * **8:15** Apa; Arami' maimu, Papai ta e'kwa pe. **8:15** Ma' 14:36; Kare'siya 4:6 **8:17** Kare'siya 4:5-7

Seri Enta' Eke Pe E'nito'

¹⁸ Usenuminka seri pe ekota'man na'ne' esi uri'nokon yau tausenkoika ton Papa uya ikupu wini eke pe iku'to' kaisa ri i'nanke' pe iyese pen ni. ¹⁹ Ika'sa' kon enuriku tenu ke esii'ma Papa munki amu' usenkoika enupikiri. ²⁰ Tanporo ika'sa' ton ko'manuku'pu itiwano' pe ika'sa' epoto' iya piyapai, iko'manpai iyese pi' pen. Seri e'kuu'pu iye'moronkato' pe ku'nin nu'pu poro, te'ku'se ²¹ ika'sa' kon ni emo'kato' pe ma'tanu'nin meruntiru'apai, iyemo'kasa' kon Papa munki pe eke pe te'ton kon pe.

²² I'tu'nokon tanporo ika'sa' kon a'numu mure entunuku pi' e'ni kasa seri pu'ku pona ri. ²³ Miri kasa riken pen, e'tane uri'nokon ni niri, iyepiya'ti pe te'sen Waku A'kwaru eponin nu'san ni a'numu u'nau'nokon enuriku tenu ke esii'ma uyananto' kon pi' imunki pe, upun kon e'mato'. ²⁴ Apune para seri e'ku'nito' yau epika'tin nisa'. E'tane e'ku'nito' tensen pe na'ne' esi e'ku'nito' pe para kuru ri. Inu' ken te'ku'sen tenawon pi' ri? ²⁵ E'tane e'ku'ni pe iyese yau uyenu'nokon para na'ne' pi', itenupikiri e'ni miri tause'takai' para.

²⁶ Miri kasa ri, Iya'kwaru uya upika'ti kon i'si'mara e'nito' yau. Ipareman nito' i'tu'nokon para iyese, e'tane Iya'kwaru ri iparema upona'nokon ta'nanse main uya ekama poken para ri. ²⁷ Miri awonsi'ki kari uyewan kon warinpanin uya Iya'kwaru usenuminkato' i'tu, apune para Iya'kwaru iparema waku ton Papa nukupu'san pona Papa e'to' i'se awiri.

Entakanin Nan Entai Ri

²⁸ Miri awonsi'ki i'tu'nokon tanporon yau ri Papa e'tarawasoma waku pe ti'nankanin ku'nin pe,† iki'masa' kon mirito' pe ta'pu tauya awiri.‡
²⁹ Kamoro iwano' pe Papa uya wapiya i'tu'pu pena kanan to' koneka'pu iya Tamu kasa to' e'to' pe iwaraino kon pe, eke kuru iye'ka'sa' kon entaino pe wapiyaro' tamu pe tu'kan kon tonpa ton koro'tau. ³⁰ Kamoro si pena tankoneka'san, to' ki'masa' iya ri mari; kamoro tanki'ma'san, anumu iya ipokena' pe; kamoro tnanamu'san ipokena' pe, kupu iya eke pe ri mari.

³¹ F'ri ken si ta seri ei'nin pe? Papa esi pe iyesei yau uwenai'nokon pe, inu' ken si esi uyewa'nomanin kon pe? ³² Kuri ri Tamu teme'nin nu'pu pen, e'tane inonkanin nu'pu tanporon kon uri'nokon iwano' pe—nai kasa ken uri'nokon repa iya para nesii'no ipokon pe waku pe ri tanporon ke ri?
³³ Inu' uya niri ken Papa nanamu'san pi' iri ton ta? Papa kuri ri anannin ipokena' pe. ³⁴ Inu' kuri eno'manin? Kurai Sises, iyeri'sa' ru'pu—miri entai, iye'mu'sa'kasa' ru'pu uko'man nito' ya'—esi na'ne' Papa emiyatu enwo'netu wini, uri'nokon pona ri niri ipureman pi' te'sen. ³⁵ Inu' uya pantakan Kurai uya ui'nankato' kon apai? F'ri uya kati, usewankaman nito' uya, sa'man yau e'nito' uya, miri pe

† **8:28** Taron ni imenukasa' ton yau, i'tu'nokon tanporon ni e'tarawasoma a'samatu yau waku ku'nin pe kamoro Papa i'nankanin nan pi' ‡ **8:28** e'tarawasoma waku pe ti'nankanin ku'nin pe, iki'masa' kon mirito' pe ta'pu tauya awiri; miri pe para, e'tarawasoma a'samatu yau kamoro i'nankanin nan pokon pe waku pe te'sen ne'nin pe—kamoro iki'masa' kon pokon pe mirito' pe ta'pu iya awiri.

pura iwenai pura kota'man nito' uya miri pe pura iwankan uya, miri pe pura ipon pura e'nito' uya, miri pe pura isi yau e'nito' uya, miri pe pura supara uya kati? ³⁶ Iye'menukasa' na'ne' kasa:

“Imiri'nokon epika'tito' pe uma'tan nito' yau ina esi pata tuko'manu'se;

karimeru amu' iwito' kon pe iku'sa' kon kasa ri ina esi,”§

tawon.

³⁷ Kane, tanporo seri ton yau'ne e'ni'nokon entakanin nan entai kuru ri, kari ui'nunkanin kon poro. ³⁸ Apune pura apurisa' uya uma'tan nito' miri pe pura uko'man nito', inseru amu' ri miri pe pura makoi amu' ri, * seri pe na'ne' miri pe pura seri enta' na'ne', miri pe pura i'ri ri merunti ri, ³⁹ ka'tawon ni miri pe pura i'nawon ni, miri pe pura i'ri ri tanporo ika'sa' yawon, uya pantakan pura ri iyesi Papa uya i'nunkan nito' apai Karai Sises, uyepuru kon yau na'ne'.

9

Eke Pe Kuru Tesi Pi' Papa Uya Anan Nito'

¹ Inairon pe usauroku Karai yau—kasi pe esi pen, uya'kwaru uya apitanaku Waku A'kwaru yau — ² eke pe kuru ipan pe upokoitato' man miri awonsi'ki iyereuta pura uyewan yau upokoitato' esi. ³ Ipa'nu'sa' pe miri awonsi'ki imo'kasa' pe Karai piyapai esi i'se e'ai', utonpa ton pika'tinin pe, kamoro kuru taponaron kon upokon pe, ⁴ ka'pon amu' Esuweru pon kon. To' iwano' pe munki wanni pe to' anansa' esi; to' iwano' pe ri

§ 8:36 Eren 44:22 * 8:38 makoi amu' ri; miri pe pura, ka' epuru ton

Papa a'kwarii esi, to' iwano' pe ri ekonekan nito' esi, to' iwano' pe ri main eporo esi, to' iwano' pe ipareman nito', use'man nito' iwua' tau Papa apuripito' esi miri awonsi'ki ikupu uya tasa' ru'san esi, to' iwano' pe. ⁵ To' iwano' pe ruko' amua' tipiya ton esi, miri awonsi'ki Karai ka'pon pe te'to' wini u'tisa' to' apai, Papa, tanporon ni epoino, tiwiri ri apuripitu nesii!* Amen.

⁶ Papa Maimu ipareme'sa' kasa iyesei pen. Apune para tanporon kon Esuweru apai iu'tisa' kon esi pen Esuweru pe. ⁷ Ipayan nu'san pe ri to' esi pi' tanporo Epura'an munki pe to' esi pen. E'tane miri kasa para kuru ri; "Aisi' poro imunki amua' e'seporo miri,"† tasa'. ⁸ Turon ni pe tato' yau, ka'pon i'naino kon‡ esi pen Papa munki pe, e'tane ikupu uya tukai' usauro'nisa' munki ton esi Epura'an munki pe. ⁹ Apune para se kasa ikupu uya tawon usekama'pu: "Iweyu pe iku'sa' ru'pu a'tai§ enna'po, miri a'tai Sera e'to' oton tamare ke,"* tukai'.

¹⁰ Miri riken pe para, e'tane Rupe'ka munki amua' esi'pu tikin ni ikupanu miri awonsi'ki kari ri ri to' kupunu pe uri'nokon tamokorii, Aisi'. ¹¹ Miri ri e'tane, munui' amua' entu rawiri miri pe para

9:4 E'sotas 4:22 * **9:5** Karai ka'pon pe te'to' wini u'tisa' to' apai, Papa, tanporon ni epoino, tiwiri ri apuripitu nesii! miri pe para, Karai, tanporon ni entaino. Papa apuripitu nesii tiwiri ri! miri pe para, Karai, Papa tanporon entaino ri apuripitu nesii tiwiri ri!
 † **9:7** Iseneses 21:12 ‡ **9:8** ka'pon i'naino kon—Epura'an payan Esimeru, Ekaru mare poron kon pi', ta seri uya. (Apune Kare'siya Pon kon 4:22-23 enki.) § **9:9** Iweyu pe iku'sa' ru'pu a'tai; miri pe para, Seri a'tai ne'sepoyai'ne' wai'piya yau * **9:9** Iseneses 18:10, 14

i'ri ri waku miri pe para iri kupu to' uya rawiri—
 moro Papa uya ananto' mirito' pe tukai' e'to' esi'pu:
 12 tarawaso wini pen e'tane kari iki'manin wini—
 ta'pu ipi', "Iru'i e'to' oton takon apiyo' pe,"† ta'pu.
 13 Iye'menukasa' na'ne' kasa: "Seko' i'nunkasa'
 uya, e'tane I'sa ewaruma'tisa' uya,"‡ tukai'.

14 I'ri ken si ta miri a'tai? Iri pe pe' Papa esi ta?
 Pen kuru ri! 15 Apune para Mosi' pi' ta iya,
 "Isentu'mapai ri e'to' ipi' pi' usentu'ma,

aiko kapai ri e'to' ipi' pi' aiko ta uya,"§
 tasa' iya. 16 Miri pi' si ka'pon e'to' i'se pi'
 miri pe para inkuu'pu pi' iyese pen, e'tane
 Papa usentu'mato' pi' iyese. 17 Apune para
 iye'menukasa' itekare uya ta, Peero pi':
 "I'mu'sa'kasa' uya serito' pe, umeruntiru
 enpoikato' pe uya ayau miri awonsi'ki uyese'
 usekamato' pe tanporo non yau,"* ta iya. 18 Miri
 pe iyese pi', Papa esi tausentu'masen isentu'mapai
 te'to' ipi' pi' ri, miri awonsi'ki ansa'mantanu'pai
 te'to' ri sa'mantanuku iya.

19 Itonpa kon uya ta upi': "I'ri pe ken si iyese
 pi' Papa uya upona'nokon eno'ma? Inu' uya ite-
 seru wa'kutu?" ta. 20 Aiko si, ka'pon. Inu'
 imiri Papa Maimu ei'pitu pa? "Inkaa'pu uya pe'
 ta miri tuka'nin nu'pu pi', 'I'rito' pe uka'sa' auya
 se kasa?" † ta? 21 Iini ka'nin pe' e'to' pe para
 tumeruntiru yau iyese miri ri iini pun ke eke pata
 weyu a'tai tapurisen miri awonsi'ki taweyu ke
 para ri tapurisen ka'nin pe?

† 9:12 Iseneses 25:23 ‡ 9:13 Mara'kai 1:2-3 § 9:15 E'sotas
 33:19 * 9:17 E'sotas 9:16 (LXX) † 9:20 Aisaya 29:16; 45:9

22 F'ri pe iyesei Papa uya anansa' pe iyesei yau kota'man nito' enpoikato' pe tɔuya miri awonsi'ki tɔmeruntirɔ usi'tuto' pe, uya imoronka tɔuseta'kai' para kota'man nito' ton ipi'— iyekonekasa' kon tɔuma'tato' kon pe? 23 F'ri pe iyesei seri ku'sa' iya yau eke pe tɔku'to' ipi' usi'tuto' pe tɔusentu'mato' ton ipi', inkoneka'san pena eke pe to' e'to' pe— 24 uri'nokon ni, inki'ma'san ni mari, Esuwerɔ amɔ' apai riken pen, e'tane Esuwerɔ amɔ' pen piyapai ri mari? 25 Oseya yau ta pi' na'ne' kasa:

“ ‘Umunki,’ ta uya to' pi' umunki amɔ' pen ni pi';
miri awonsi'ki ‘Ui'nɔn,’ ta uya ipi' ui'nɔn pen
ni pi',” †

ta, 26 miri awonsi'ki,

“Iye'ku'to' oton to' pi',

‘Umunki amɔ' pen ni imiri'nokon,’ ta'pɔ yau
kuru ri,

‘Papa, tɔuko'mansen munki amɔ'’ tato' oton to'
pi',” §

tasa' iya.

27 Aisaya uya Esuwerɔ ekare'ti uki'pi'nɔmɔ:

“Esuwerɔ amɔ' tu'kanoro e'tane ri parau e'pi pon
wi'si' kasa ri,

tu'ke para to' tonpa'san epika'tito' oton.

28 Apɔne para Itepuru uya

iyekota'mato' ya' non tɔrɔ inke para miri
awonsi'ki i'ri kupɔ poken para,” *

ta.

29 Aisaya uya wapiya ekamasa' na'ne' kasa:

“Itepuru merunti pe kuru te'sen ye' uya riken

† 9:25 Oseya 2:23 § 9:26 Oseya 1:10 * 9:28 Aisaya 10:22-23

upayan kon p̄ra unonkasa' kon yau,
 Satan kasa ena'nokon nesii'no,
 miri awonsi'ki Komora kasa e'ni'nokon ne-
 sii'no,"†
 tukai'.

Esuweru Amu' Apurinin Nan Pen

³⁰ F'ri ken si ta miri a'tai? Esuweru amu' pen,
 ipoken e'nito' ku'nin nu'san pen, uya si eposa',
 tanunto' kon ipokena' pe apurito' wini teposen;
³¹ e'tane Esuweru amu', main ipoken e'nito' ku'nin
 nu'san, uya eposa' p̄ra iyese. ³² F'ri pe iyese pi'?
 Ap̄ne p̄ra to' uya ikuu'p̄ra apurito' iyawiri p̄ra,
 tarawaso wini iyese tato' pe ri. To' e'pi'po'p̄ra
 "e'pi'pon nito' ti'" pona. ³³ Iye'menukasa' na'ne'
 kasa:
 "Enti', inonkasa' uya Sayan po, ti', ka'pon amu'
 e'pi'poto' ipona
 miri awonsi'ki, ti', to' eno'manin,
 miri awonsi'ki kari, kari ri si apurinin pe te'sen
 ipiyi'to' oton pen,"‡
 tukai'.

10

¹ Utonpa ton, uyewan e'to' i'se miri awonsi'ki
 ip̄remato' Papa pi' esi Esuweru amu' epika'tito'
 pe. ² To' pi' ri usaurok̄u Papa i'tuto' tuuya'nokon
 pi' kuru ri ipan pe to' e'tusa' tukai', e'tane to' e'to'
 ipan pe e'tupai esi Papa i'tuto' pi' pen ni. ³ To'
 uya Papa uya anun nito' ipoken e'nito' ya' ku'sa' se
 pe ri pi', miripan kon e'warinpasa' tiwano' kon ni
 nin ipoken e'nito' inkonekapai, to' e'tusa' p̄ra iyese
 Papa uya anun nito' ipoken e'nito' pe ya'. ⁴ Kurai esi

† 9:29 Aisaya 1:9 ‡ 9:33 Aisaya 8:14; 28:16

main, Mosi' winon u'ma'sa' pe ri,* tanporon kon ni apurinin nan iwano' pe Papa uya anan ni ipokena' pe e'nito' ya'.

⁵ Mosi' uya ekama se na'ne' kasa ipoken e'nito' esi main wini: “Ka'pon seri ton ku'nin uko'mamu miri ton wini,”† ta. ⁶ E'tane Papa nanamanu ipokena' pe e'nito' ya' apurito' wini te'sen uya ta: “Kukai iyewan yau, 'Inu' enuku Epun pona?'‡” kukai ta (Kurai nu'tinin pe ta e'kwa pe), ⁷ “miri pe para, 'Inu' u'ti seri i'nawon ya'?§” kukai ta (Kurai aru'nu'nin pe eri'nisa' apai ta e'kwa pe). ⁸ E'tane i'ri ken si ta Mosi' uya? “Main esi a'ko pe ipiyau; anta nau iyese miri awonsi'ki iyewan yau,”* ta iya, apurito' maimu si ina nekamayai'ne': ⁹ Anta ke ekama auya yau, “Sises esi Epuru wanni,” tukai', miri awonsi'ki apuri'ma iyewan yau Papa uya i'ma'sa'ka'pa iyeri'sa' apai, iyepika'ti ri. ¹⁰ Apune para iyewan pokon pe apuri auya miri awonsi'ki iyekoneka, miri awonsi'ki anta ke ekama auya miri awonsi'ki si iyepika'ti. ¹¹ Imenukasa' itekare nikayai'ne' kasa, “Kari apuri pi' na'ne' ipiyi'to' para ri iyese,”† nikayai'ne'. ¹² Apune para Esuweru amu' esi taron ni pe Esuweru amu' pen kasa para tato' para ri iyese—kari ri ri epuru esi tanporon kon epuru pe, miripan uya eke pe ri waku turu tanporon kon tesa'nin nan pona, ¹³ apune para, “Tanporon kon Itepuru ese' esa'nin nan epika'tito'

* **10:4** Kurai esi main, Mosi' winon u'ma'sa' pe ri; miri pe para, Kurai esi main, Mosi' winon a'ku'tisa' pe ri † **10:5** Ripaiti'kas

18:5 ‡ **10:6** Isu'taronomi 30:13 § **10:7** Isu'taronomi 30:13

* **10:8** Isu'taronomi 30:14 † **10:11** Aisaya 28:16

oton,”† tasa' iya.

14 Nai kasa ken tanapurin_u kon pen ni esaki'no to'? Miri awonsi'ki, nai kasa ken i'ri ri t_unetap_u kon ipi' pen ni apurii'no to'? Miri awonsi'ki, nai kasa ken to' uya eta, in_u' uya ri itekare ekama tane p_ura ri to' pi'? 15 Miri awonsi'ki, nai kasa ken itekare ekama to' uya tenno'sa' kon pen ni e'tane? Iye'menukasa' na'ne' kasa, “I'ri pan wak_u ton ni i'ta ton kamoro wak_u itekare ne'nin nan!”§ tawon.

16 E'tane tanporo Esuwer_u am_u' esi'p_u pen wak_u itekare awiri. Aisaya uya tasa' kasa, “Epuru, in_u' uya ina nekaman_u itekare apurisa'?”* tawon.

17 Itepe'p_u pe, apurito' uyep_u tekamasen eta wini, miri awonsi'ki tekamasen useta K_urai maimu poro ina nekaman_u pe te'sen. 18 E'tane ekama'po uya: To' uya pe' eta p_ura iyese'p_u? A'tai kanan ma: “To' maimu utisa' siya ri non awiri,

to' maimu utisa' non u'mat_u ya' ri,”†
tasa'. 19 Ekama'pokap_u uya kanan: Esuwer_u uya pe' ito'ka'n_uk_u p_ura iyese'p_u? Wapiya ri, Mosi' uya ta,

“Iyikintan_uk_u uya 'nokon miri kamoro t_upataron kon pen ni wini;

asakoropa uya 'nokon miri ito'ka'n_u'nin nan pen ni t_upataron kon wini,”†

ta. 20 Miri a'tai nin si Aisaya uya ta miri enari'm_ura esii'ma,

“Kamoro uwarinpanin nan pen ni uya uyeporo'p_u;

† 10:13 Isower_u 2:32 § 10:15 Aisaya 52:7 * 10:16 Aisaya 53:1 † 10:18 Eren 19:4 † 10:19 Isu'taronomi 32:21

kamoro nai yau nai tawon nan pen ni ena'
 usenpoika'pɸ,"§
 ta. ²¹ E'tane Esuwerɸ pi' ta iya,
 "Pata tɸko'manɸ'se ri uyemiyatɸ tinkai' uko'mamɸ
 ka'pon amɸ' main awiron kon pen miri
 awonsi'ki sa'man ni itewan ton ena',"*
 ta iya.

11

Esuwerɸ Pɸ'kɸ Rɸ'san Apuriton Kon

¹ Iyekama'po uya ken si: Papa uya pe' tɸmunki
 amɸ' ewaruma'tisa'? Kane ku! Uri ri niri Esuwerɸ
 pon, Epɸra'an pa rɸ'pɸ, Pensiman ko' winipaino.
² Papa uya tɸmunki ton ewaruma'tisa' pɸra iyese,
 iwapiya ri tɸni'tu'san. I'tu auya pɸra pe' nai
 iye'menukasa' itekare uya ta Iraisa pi' ipɸ'kɸ yau
 —Esuwerɸ amɸ' pataka'pɸ iya Papa pi' iri pe
 to' e'sa' pi': ³ "Itepuru, amaimu ekamanin nan
 pu'kena' amɸ' wipitɸ'pɸ to' uya, miripan kon uya
 iyena' use'man nito' apon a'morɸpitɸ'pɸ; uri riken
 e'nonkasa', miripan kon esi uri ri niri inwika'pai,"*
 tawon? ⁴ I'ri ken si tukai' Papa uya eikɸ'pɸ nai?
 "Uiwano' pe 7,000 kaisaron kon nonkasa' uya man
 iye'sekunkasa' kon pen Peyarɸ pi',"† tukai'. ⁵ Miri
 kasa ri mari, seri a'tai tu'ke pɸra to' tonpa'san esi
 wakɸ nonkasa' wini anɸnsa' kon. ⁶ Miri awonsi'ki
 wakɸ nonkasa' wini iyese yau, tarawaso wini iyese

§ **10:20** Aisaya 65:1 * **10:21** Aisaya 65:2 **11:1** Piri'pai 3:5

* **11:3** 1 Kin Amɸ' 19:10, 14 † **11:4** 1 Kin Amɸ' 19:18

pen; miri kasa iye'sa' yau, wak_u nonkasa' esi pen ni miri wak_u nonkasa' pe.†

7 I'ri ken? Ipan pe t_unwarinpa'p_u kon eposa' Esuwer_u am_u' uya p_ura iyese, e'tane t_uron kon to' tonpa ton an_unsa' kon uya ri_uken eporo'p_u. T_uron kon to' tonpa ton ewan usa'manta'p_u,
8 iye'menukasa' na'ne' kasa:

“Papa uya to' repa'p_u epe' ri e'nito' a'kwar_u ke,
en ton to' uya ene namai'

miri awonsi'ki pana ton to' uya eta namai',

seri w_ui p_u'k_u pona ri,”§

tukai'. 9 Miri awonsi'ki Tepi' uya ta:

“Tiwi to' tep_ur_uui nesii mare pe miri awonsi'ki to'
sa'manin pe,

to' e'pi'poto' ipona pe miri awonsi'ki to'
kota'manin pe.

10 Tiwi to' enu newarumam_ui to' uya ene namai',

miri awonsi'ki to' a'poi n_use'mei tiwiro' pe ri,”*
ta.

Are'na'tisa' Ipanta Ton

11 Ekama'pokap_u uya kanan: To' ri pe' e'pi'po'p_u t_uuta'mo'kai' te'm_u'sa'ka ton kon pe p_ura? Pen ni! E'tane ru'ku, ap_une p_ura main p_uremek_u to' uya pi', epika'tin nito' uye'sa' Esuwer_u am_u' pen piya', Esuwer_u am_u' ikintan_u'nin pe. 12 E'tane main p_ureme'sa' to' uya uya eke pe pata p_uremato' ne'sa' yau, miri awonsi'ki to' eno'masa' uya Esuwer_u

† 11:6 T_uron ni imenukasa' ton uya wak_u nonkasa' pe. E'tane t_urawaso ton winon pe iyese yau, wak_u inonkasa' pe p_ura ri nin si iyese miri; miri pe iyese yau, t_urawaso esi miri t_urawaso pe p_ura ri, ta. § 11:8 Isu'taronomi 29:4; Aisaya 29:10 * 11:10 Eren 69:22-23

amũ' pen pũremato' eke pe kupũ yau, miri entai kuru si eke pe ri pũreman nito' nepũ tanporo wakũ pe to' konekasa' Papa uya, uya!

¹³ Imiri'nokon auro'ka uya, Esuwerũ amũ' pen. Esuwerũ amũ' pen ena' itekare ekamai' enno'sa' pe esi wenai, eke pe kuru uturawasooi kupũ uya, ¹⁴ te'ku'se utonpa ton ikintanũ'nin pe, to' tonpa ton ni epika'tito' pe. ¹⁵ To' uya ewaruma'tito' esi yau non konekanin pe, i'ri pe to' uya anũnto' uya ikupũ? Iyeri'sa' kon na'po kasa iyese nurine to' e'to' ya'. ¹⁶ Ipũ'kũ pe wapiyaro' iteperu ki'masa' tũsa' enasa' yau wakũ pe, miri a'tai nin si tanporon itonpa esi miri wakũ pe; imi' ton esi wakũ pe, miri kasa kanan ipanta ton esi miri.

¹⁷ Ipanta tonpa ton anpi'pũ pe iyese yau, imiri si, mi airon are' enpu pe iwe'tane, ike ipata'pũ yai ri are'na'tisa', miripan nin si usewekũ ite'ku are' mi' winon pi', ¹⁸ miri ton ipanta ton pi' katapurii. Ikupũ auya yau, se pi' isenuminka': Imi' esa' pe iwesi pen, e'tane imi' esi iyese' pe. ¹⁹ Miri a'tai si, ta auya, "Ipanta ton anpi'pũ uri ke itare'na'tito' pe." ²⁰ Iye'to' pe ri iyese, e'tane anpi'pũ miri apũne pũra apuri pũra iyese pi', miripan imiri nin si esi miri apurito' auya wini iye'mũ'sa'kasa'. Mi pe ke'kupui, e'tane enari'nũnki. ²¹ Apũne pũra Papa uya i'naino ipanta ton enkurunpasa' pũra iyese yau, imiri ri niri enkurunpa iya pũra iyese miri.

²² Miri pe iyese pi', manũ' pe Papa e'to' miri awonsi'ki isi yai konekan nito' iya pi' isenuminka': isi yai kamoro ita'mo'kasa' ton konekato' iya, e'tane manũ' pe ipi' iyese, manũ' pe iye'to' yau iwesi yau kanan. Miri pũra iwesi yau, imiri ri niri

a'ti miri. ²³ Miri awonsi'ki tapurii' p̄ra e'nito' yau to' esi p̄ra iyesei yau, to' ri are'na'ti ipona, ap̄ne p̄ra Papa ri esi to' are'na'tika'nin pe ri kanan. ²⁴ Miri ri ta tane, auta'tisa' pe iyesei yau are' e' apai mi airon ni i'naino airon, miri awonsi'ki i'naino waraino pen ni utare'na'tisa' ipatamasa' are' e' ya', miri entai kuru ri nin seri ton, i'naino ton ipanta ton, esi miri itare'na'ti t̄aye' are' e' kuru ri nin pona!

Tanporo Esuweru Amu' Epika'tito' Oton

²⁵ Tonan tawon i'tunin nan pe p̄ra iwesi kon i'se p̄ra e'ai', utonpa ton, autaperuka kon namai': Esuweru uya sa'man pe enan i'tusa' miri ipu'ku pe ri tanporo Esuweru amu' pen ewomu pu'ku pona.

²⁶ Miri kasa nin si tanporo Esuweru amu' epika'ti miri, iye'menukasa' na'ne' kasa:

“Mo'kanin uye'to' oton Sayan wini;

Papa p̄ra e'nito' ra'ti iya Seko' piyapai.

²⁷ Seri nin si miri† to' pokon pe ekonekato' iwini

to' makooi mo'kasa' uya a'tai,”‡

tukai'.

²⁸ Waku itekare esi na'ne' awiri, i'seyaton pe to' esi miri imiri'nokon pikiri; e'tane utanun nito' esi na'ne' awiri, to' usi'nunka tutamokori kon pikiri, ²⁹ ap̄ne p̄ra Papa n̄turanu ton miri awonsi'ki ki'man nito' iya esi inna'ponu pe p̄ra.

³⁰ Pena Papa Maimu awiri p̄ra me'ta't̄aine' kasa, main awiri p̄ra to' esi moron nu'pu pe ipi'nokon usentu'man nito' eposa' auya'nokon, ³¹ miri kasa ri mari, Papa usentu'masa' ipi'nokon moron nu'pu pe, to' nin si enasa' main awiri p̄ra t̄api'nokon

† **11:27** Seri nin si miri; miri pe p̄ra, Seri e'to' oton ‡ **11:27**
Aisaya 59:20-21; 27:9; Iseremaya 31:33-34

usentu'man nito' epoto' pe tɔuya'nokon. ³² Apɔne pɔra Papa uya tanporo ka'pon amɔ a'sisa' main awiri pɔra e'nito' ya', tanporo to' pi' tɔusentu'mato' pe.

Papa Apuripi'to'

³³ Eke si i'nawon ni Papa e'to' eke pe ipu'ketɔ miri awonsi'ki i'tunin pe iye'to'! §

Iwarinpa pokena' pen ni eseru aimenkato' iya,

miri awonsi'ki e'ma'pɔka pokena' pen ni ite'ma'pɔ!

³⁴ “Inɔ' uya Itepuru usenuminkato' i'tu'pɔ?

Miri pe pɔra, inɔ' ri esi'pɔ ipana'tin in pe?”*

³⁵ “Inɔ' uya ri Papa repa'pɔ,

Papa uya te'mato' pe?”†

³⁶ Apɔne pɔra iwinipai miri awonsi'ki iporo miri awonsi'ki itiwano' pe tanporon ni esi.

Itiwano' pe eke pe iku'to' nesii, tiwiri ri! Amen.

12

Nurinan Use'man Nito' Ike

¹ Miri pe iyese pi', iyekama'po uya 'nokon kuru, utonpa ton, isentu'ke' pe Papa esi pi', te'tɔsen pe iwesi kon pa nurinan use'man nito' ton ike ye' pe, wakɔ, Papa pori'manin ye' pe—iya'kwarɔ* yau apuripi'to' auya'nokon. ² Seri orɔ eseru awiri inke ke'tɔu, e'tane isensimati' kuru iusenuminkato' kon

§ **11:33** Papa e'to' eke pe ipu'ketɔ miri awonsi'ki i'tunin pe iye'to'; miri pe pɔra, Papa e'to' eke pe, miri awonsi'ki ipu'ketɔ pe, miri awonsi'ki i'tunin pe iye'to'!

* **11:34** Aisaya 40:13 † **11:35** Isopu

41:11 **11:36** 1 Koren 8:6

* **12:1** iya'kwarɔ, miri pe pɔra ikupɔ

poken

eseru kupu wini emenna' pe, Papa eseru waku pe te'sen i'tunin pe nin si iwesi kon pa miri awonsi'ki waku pe iyesi ta kon pa—pori'manin pe te'sen miri awonsi'ki ima'takuu para te'sen.

³ Apune para waku nonkasa' uyena' wini ta uya tanporo imiri'nokon pi': Eke pe kuru ri ipi'nokon ke'ku'tuu iwe'to' kon entai ri, e'tane ru'ku, eseru aimenkato' yai isenti' nurinan yai, apurito' auya'nokon ke ti'tui' Papa uya irepasa' kon na'ne' ike. ⁴ Tikin ni upun kon esa' esi na'ne' kasa tu'ke ri ipu'ku ton e'tane, miripan seri ton ipu'ku ton esi pen tikin ni itarawasooi, ⁵ miri kasa Kurai yau uri'nokon, tu'kan kon ni ena tikin ni ipun pe, miripan esi isipu'ku pe'ne. ⁶ Isi'tai repapi'nito' esi, waku nonkasa' uyena'nokon awiri. Ka'pon repato' ike pe pu'kena' pe usauro'nito' esi yau, tiwi napurii apurito' tauya yau iyesi kaisari ri. ⁷ Apiyo' pe iyesi yau, tiwi apiyo' pe nesii; enupanin pe iyesi yau, tiwi enupan pi' nesii; ⁸ pori'mapi'nin pe iyesi yau, tiwi pori'man pi' nesii; entu'manin nan repanin pe iyesi yau, tiwi amare'mura ne'repai; epuru pe iyesi yau, tiwi esa' wannu pe nesii ari'kena' pe; tausentu'masen pe iyesi yau, tiwi pori' pe esii'ma nakupai.

Usi'nankan Nito'

⁹ Usi'nankan nito' nesii i'nairon pe kuru. Iri eseru ewaruma'titi'; waku pi' ata'siti'. ¹⁰ Tausi'nankasen pe e'ti' isitonpa pe. Itonpa kon tnamai' iyentaino kon pe e'ti'. ¹¹ Emiya'ne' pe ke'tuu, e'tane inku'paino ye' pe kuru aya'kwaru kon ke, Itepuru apiyo' ton pe e'ti'. ¹² Pori' pe

e'ku'nito' yau, isi yau e'ni moronkanin pe e'ti', ipureman yau te'nonkasen pe p̄ra. ¹³ Papa munki am̄' tekota'masan t̄repa'i' e'ti'. Ka'k̄aran ereutan̄'sa' a're'tito' eseru t̄aku'se e'ti'.

¹⁴ T̄w̄ip̄uremai' wak̄ kup̄ auya'nokon we-nai ikota'manin kon pona e'ti', te'pa'n̄'se p̄ra e'ti'. ¹⁵ Tepori'mai' tepori'masan pokon pe e'ti'. T̄ukaranse t̄ukaransan pokon pe e'ti'. ¹⁶ Wak̄ pe iseseru yau t̄ako'mansan pe e'ti'. Mi pe te'ku'san pe p̄ra e'ti', e'tane se pe te'san pokon pe te'san pe e'ti'. † T̄utaperukas̄an pe p̄ra e'ti'.

¹⁷ Iri ku'nin n̄'p̄ ipi'nokon k̄use'mat̄u iri ke. Ti'tui' wak̄ iku'ti' ka'pon am̄' uya iyentane'nokon. ¹⁸ Ikup̄ poken iyesi yau, iiwano' kon pe iwe'to' kon awiri, iko'manti' isi pe p̄ra tanporon kon pokon pe. ¹⁹ Kise'mat̄u, utonpa ton, e'tane Papa uya kota'man nito' pata t̄aku'se e'ti', ap̄ane p̄ra iye'menukasa' esi: “Uri iwano' miri e'man; uri uya ri e'ma,” ta Itepuru uya. ‡
²⁰ Miri pe p̄ra:

“Iwan pe iyeyaton esi yau, a're'tiki;
tuna'kiri' ke iyesi yau, iwo'paki.

Seri kup̄ auya uya enkena' kamar̄ka' am̄ran̄k̄u miri i'pai pona,” §
tasa' iya. ²¹ Iri kuru k̄usen̄anin iyentai'nokon, e'tane iri entai enati' wak̄ ke.

12:14 Ma'siu 5:44; Ƴru' 6:28 † **12:16** se pe te'san pokon pe te'san pe; miri pe p̄ra, se pe r̄ak̄wi ri te'san t̄arawasooi ye' inku'p̄aino pe e'ti' **12:16** Ipu'ket̄u 3:7 ‡ **12:19** Isu'taronomi 32:35 § **12:20** Ipu'ket̄u 25:21-22

13

Eke Ton Ena' E'tun Nito'

¹ Tanporon kon e'tato' pe iyese eke ton esa' wannu pe te'san ena', apune p̄ra moro inu' ri eke p̄ra iyese Papa nu'mu'sa'ka'p̄u pen. Eke pe na'ne' nan esi Papa nu'mu'sa'ka'san pe. ² Miri pe iyese pi', inu' ri eke pe te'sen ewa'nomanin uya Papa nukuu'p̄u ewa'noma miri, miri awonsi'ki kamoro miri ku'nin nan uya eseru aimenkato' nepu miri t̄pona'nokon ni. ³ Apune p̄ra nari' pe te'san pen ton ni kamoro esanon wannu ipokena' ku'nin nan pona, e'tane kamoro nin ipokena' pen ku'nin nan. Eke pi' pe' enari'm̄ra e'pai me'at̄u? Ipokena' ken si iku'ti' ayapuripi'to' kon pe iya nin si. ⁴ Apune p̄ra Papa poitoru pe iyese waku pe iku'nin kon pe. E'tane ipokena' pen ku'sa' auya'nokon yau, ipi' enari'n̄anti', notun pe supara esa' pe te'sen pen k̄ri ri. Papa poitoru k̄ri ri, Papa uya kota'man nito' ne'nin kamoro iri ku'nin nan kota'mai'. ⁵ Miri pe iyese pi', e'tun nito' pe kuru iyese eke ton ena', to' uya kota'man pi' riken pen, e'tane ewan wannu uya i'tu pi' ri. ⁶ Miri wenai ri niri tamuranu'sen p̄rata e'ma auya'nokon miri, apune p̄ra Papa poitoru pe eke ton esi pi', inke ri esa' wannu pe te'san pe. ⁷ Tanporo inwoma'san kon e'mati': Tamuranu'sen omasa' auya'nokon yau, e'ma'ti'; inturanu kon yau iye'womasa' kon yau, e'mati'; eke pe iku'to' yau iye'womasa' kon yau, eke pe iku'ka'ti' ri; inamato' yau iye'womasa' kon yau, inamaka'ti' ri.

Isi'nunkati', Apune P̄ra A'ko Pe Iweyu Esi Pi'

⁸ F'ri ri te'masen kusenkurunpatau te'mai' p̄ra, iusi'n̄ankato' kon niken enkurunpati' miyari ri usi'n̄ankan pi', ap̄ne p̄ra kari t̄tonpa i'n̄ankanin uya main a'ku'tisa' pe iyese. ⁹ Apiyontin nito' ike ton, "Iyemari'masa' pe esii'ma kekumai," "Inu' ri ku'wini," "Ama' pe kesii," "Ipan pe itonpa iwano' i'se kesii,"* miri awonsi'ki i'ri ton ni apiyontin nito' esi na'ne' amurasa' miri se t̄kin nan iporo e'n̄ito' yau: "It̄onpa i'n̄ankaki, misi'n̄ankayai'ne' kasa ri,"† tawon. ¹⁰ Usi'n̄ankan nito' esi isi pe t̄tonpa ku'nin pen ni. Miri pe iyese pi', usi'n̄ankan nito' esi main awiri e'ni ekamanin pe.

¹¹ Miri awonsi'ki seri si iku'ti', seri pe e'n̄ito' to'ka'n̄uku pe. Iweyu e'seposa' man aupakato' kon iye'n̄anto' kon apai, ap̄ne p̄ra a'ko pe si epika'tin nito' esi pi' wapiya apuri a'tai iyese'p̄u entai. ¹² Ewarupi uti'waka'ni pi' man; pata ema'kapu pe ri iyese. Miri pi' ewarupi yau t̄ku'sen amaka'pai'nokon miri awonsi'ki a'kwa amataai ya' enai'ma. ¹³ Waku pe te'san pe e'n̄ipai'nokon, wai naino kon pe, ipi' ri te'kamai' e'taripan pi' p̄ra miri awonsi'ki te'taripasan pe p̄ra, ekuman p̄ra miri awonsi'ki ipan pe iri kupu pi' iko'manpai e'ni pi' p̄ra, iseseru yau p̄ra e'n̄ito' p̄ra miri awonsi'ki ikintan p̄ra. ¹⁴ E'tane ru'ku, Itepuru Sises K̄rai ke epontinpai'nokon, miri awonsi'ki a'naino kon makoi† e'to' i'se pi' t̄usenuminkai' p̄ra imaimu awiri iwe'to' kon pi'.

* **13:9** E'sotas 20:13-15; Isu'taronomi 5:17-19, 21 † **13:9** Ripaiti'kas 19:18 ‡ **13:14** a'naino kon makoi, miri pe p̄ra ipun kon

14

I'si'mɔn Miri Awonsi'ki Pana'pan

¹ I'si'mɔra na'ne' apurito' iya yau, ananti', iteseru taimenkai' pɔra tɔron ni pe iteseru esi pi' ipokon pe te'sei'pi'se pɔra. ² Tikin nan ka'pon uya apurito' uya ikupɔ tanporon pi' ri tenta'nasen pe, e'tane tɔron ni, i'si'mɔra te'sen apurito' iya enta'na ipatamasa' kiyari pi' riken. ³ Ka'pon tanporon pi' ri tenta'nasen, kɔri ipatamasa' kiyari pi' tenta'nasen pi' kɔ'sewaruma'tinin, miri awonsi'ki ka'pon tanporon pi' tenta'nasen pen kɔri tanporon pi' tenta'nasen pe te'sen eno'manin, apɔne pɔra Papa uya anansa' pe iyesi pi'. ⁴ Inɔ' pe ken iwesi, ka'pon poitorɔ ri eseru aimenka pa? Itesa' pona iye'mɔ'sa'kasa' pe iyesi miri pe pɔra ita'mo'kasa' pe ri. Miri awonsi'ki iye'mɔ'sa'ka ri si, apɔne pɔra Itepuu uya iye'mɔ'sa'kato' pe ikupɔ pi'.

⁵ Tɔron ni ka'pon pona eke tanamasen pe tikin nan wɔi esi tɔron ni ton kasa pɔra; tɔron ni ka'pon pona tanporon ni wɔi esi isi'kaisa ri. Tukaisari'nokon tɔsenuminkato' kon awiri to' nesii i'se te'to' kon pe kuru. ⁶ Kɔri eke pe kuru tikin nan wɔi esi nikayai'ne' uya ikupɔ miri Itepuu iwano' pe. Kɔri o' anyai'ne' uya ani miri Itepuu iwano' pe, apɔne pɔra Papa pi' tenki ta iya ke; miri awonsi'ki kɔri ani iya pɔra na'ne' uya ikupɔ miri Itepuu iwano' pe, miripan uya tenki ta Papa pi'. ⁷ Apɔne pɔra uri'nokon uko'mamɔ uiwano' kon pe riken pen, miri awonsi'ki eri'ni uiwano' kon pe riken pen. ⁸ Uko'man ni pe iyesi yau, Itepuu iwano' pe uko'man ni; miri awonsi'ki eri'ni pe iyesi

yau, eri'ni Itepuru iwano' pe. Miri pi' si, uko'man ni pe iyesi yau miri pe para eri'ni pe iyesi yau, Itepuru iwano' pe ri e'ni.

⁹ Seru wenai kuru si, Kurai eriku'pu miripan e'mu'sa'ka'pu nurine te'to' ya', iyeri'sa' kon miri awonsi'ki nurine te'san epuru pe te'to' pe. ¹⁰ Imiri si, i'rito' pe itonpa eseru aimenka auya? Miri pe para, i'rito' pe itonpa ewaruma'ti auya? Tanporo uri'nokon e'mu'sa'kasa' e'to' oton Papa uya eseru aimenkato' apon piyau. ¹¹ Iye'menukasa':

“ ‘Uko'manyai'ne' kasa,' ta Itepuru uya,
‘Tanporon kon e'sekunkato' oton urau;

tanporon ani uya ekamato' oton Papa pi', ’”*
tukai'. ¹² Miri pi' nin si, ukaisari'nokon usekaman nito' oton kon Papa pi'.

¹³ Miri pe iyesi pi', utonpa kon amu' eseru aimenkato' ereutanu'pai'nokon. E'tane ru'ku, iusenuminkato' kon ikonekati' itonpa kon e'pi'poto' ipona miri pe para iwa'ku'nin turu auya'nokon namai' ite'ma ta'. ¹⁴ Uri, Itepuru Sises yau te'sen ye' pe, upona kuru iri pe te'sen kiyari† para ri iyesi. E'tane inu' uya ri iri pe ikupu yau, iri pe ri iyesi miri ipona. ¹⁵ Itonpa e'kuuma pe iyesi yau anani'pu pi', usi'nankan nito' esi pen ni miri inkupunu yau. Anani'pu itonpa ma'tanu'nin Kurai uma'ta'pu iwenaino pe ru'pu. ¹⁶ Waku pe inkupunu kuse'nin iri pe usauro'nito' ipi' pe. ¹⁷ Apune para Papa e'to' esa' wannu pe esi pen enta'nan miri awonsi'ki ensi pe pen, e'tane Papa uya anan ni ipokena' pe, tausewankamai' para miri awonsi'ki

14:10 2 Koren 5:10 * **14:11** Aisaya 45:23 † **14:14** iri pe te'sen kiyari; miri pe para, iri pe te'sen

pori' pe WakꞰ A'kwarꞰ yau, ¹⁸ apꞰne pꞰra KꞰrai tꞰrawasooi pe te'sen seri kasa esi Papa pori'manin pe miri awonsi'ki ka'pon amꞰ' uya wakꞰ tato' ipi' pe.

¹⁹ Miri pe iyesi pi', tꞰusewankamai' pꞰra e'nito' ya' miri awonsi'ki isi'kaisa ri usemo'kan nito' pe apurito' yau epika'tin nito' ya' anin ku'pai'nokon.

²⁰ Papa tꞰrawasooi kꞰ'ma'tanꞰ'tꞰu kiyari pikiri ri. Tanporon kiyari esi wakꞰ pe Papa enu yau, e'tane ipoken pꞰra iyesi ka'pon enta'na a'tai tꞰron ni e'pi'po emapu'tinin pe. ²¹ WakꞰ pe pari iyesi o' tanse pꞰra e'ni miri pe pꞰra waain tensii' pꞰra miri pe pꞰra i'ri ri tꞰku'se pꞰra itonpa uta'mo'ka emapu'tinin pe.

²² Miri wenai, mapuriyatꞰi'ne' seri ton pi' enkurunpati' imiri'nokon miri awonsi'ki Papa ya' riken. Pori' pe te'sen kꞰri ri ka'pon tiwano' pe tꞰuseno'masen pen wakꞰ tato' tꞰuya ipi' wini.

²³ E'tane kꞰri ka'pon ikasimanin useno'masa' miri iyenta'nasa' yau, apꞰne pꞰra iyenta'nato' esi apurito' iya wini pꞰra; miri awonsi'ki tanporon apurito' wini pꞰra nꞰye'ai'ne' esi makoi pe.

15

¹ Uri'nokon pana' pe te'san e'to' pe iyesi i'si'manon pokon pe to' uya ikupꞰ pꞰra iye'to' yau to' pika'ti pi', iwano' wannꞰ pe ri upori'manin kon tꞰku'se pꞰra. ² E'ni na'ne' kaisa ri utonpa kon tꞰpori'mai' e'nito' pe iyesi, wakꞰ pe to' ku'nin pe, to' pika'tinin pe tꞰusemo'kasan pe to' uya apurito' yau. ³ ApꞰne pꞰra KꞰrai ri niri uya tꞰpori'manin ku'sa' pꞰra iyesi, e'tane iye'menukasa' na'ne' kasa: “Asapemato' asapemanin nan uya

uta'mo'kasa' man upona,”* tasa'. ⁴ Apune para tanporon ni iye'menupi'sa' na'ne' e'menupitu'pu uyenupanin kon pe, imoronka wini miri awonsi'ki iye'menukasa' itekare uya tūpori'mai', e'ku'nito' epoto' pe.

⁵ Tiwi Papa imoronkato' pe ku'nin miri awonsi'ki pori'mapi'nin a'samatū yau iwesi kon a'kwarū ke irepatū Kūrai Sises pikiri iwesi kon koro'tau, ⁶ tikiin ni nin si itewan miri awonsi'ki inta esii'ma uri'nokon Epuru Sises Kūrai e'to' itese' pi' Papa miri awonsi'ki Ikaipūnū apuripitu kon pa.

⁷ Itonpa kon si tanūnse e'ti', Kūrai uya ayanūnsa' kon na'ne' kasa, Papa apuripi'to' ne'nin pe. ⁸ Ekama uya ipi'nokon Kūrai enasa' Esuwerū amū† poitorū pe Papa e'to' i'nairon pe ekamanin pe, isauro'sa' ru'pū iku'to' pe tūyua tukai' tamokori ton amū pi' ⁹ Esuwerū amū' pen uya Papa apuripi'to' pe isentu'ke' pe iyese pi', iye'menukasa' na'ne' kasa:

“Seri wenai ayapuripitu uya miri Esuwerū amū' pen koro'tau;

eren erenka uya miri iyese' pi',”‡
tasa' iya. ¹⁰ Taka'sa' iya kanan,

“Epori'mati', Esuwerū amū' pen, imunki amū' pokon pe,”§

tasa' iya. ¹¹ Miri awonsi'ki kanan,

“Itepuru apuripi'ti', tanporon kon Esuwerū amū' pen,

* **15:3** Eren 69:9 † **15:8** Kiri' maimu uya itun pi'pi iputurakasa' ton ta, ‡ **15:9** 2 Sanwerū 22:50; Eren 18:49 § **15:10** Isu'taronomi 32:43

miri awonsi'ki apuripi'to' erenkati', tanporon
 kon ka'pon amu',^{*}
 tasa' iya. ¹² Miri awonsi'ki kanan, Aisaya uya ta,
 "Ise'si Atu ru'pu e'mu'sa'ka miri,
 kuri te'mu'sa'ka ton tapataron kon esa' pe te'to'
 pe;
 Esuweru amu' pen e'ku'to' e'to' oton iyau,"†
 ta iya.

¹³ Tiwi Papa e'ku'nito' ipi' ikupui'nokon eke pe
 kuru pori' pe miri awonsi'ki tausewankamasen
 pe para tapuri auya'nokon koro'tau, ayanaku kon
 pa iye'ku'to' kon ike ke Waku A'kwaru meruntiru
 wini.

Paaru, Esuweru Amu' Pen Poitoru

¹⁴ Sapuriyai' kuru ri, utonpa ton, imiri'nokon
 esi waku pe kuru ri, i'tuto' auya'nokon yau
 iyenuka'sa' pe iwesi kon miri awonsi'ki itonpa
 kon enupanin nan pe kuru ri. ¹⁵ Imenukasa'
 uya 'nokon man enari'mura taron ni ton pi'ne,
 iyemiya'pontikapu kon pe ri kanan, Papa uya
 waku nonkasa' pi' ri urepa pe, ¹⁶ Kurai Sises
 poitoru pe e'to' pe Esuweru amu' pen iwano' pe
 use'man tarawasomanin eseru yau waku Papa
 ekareei ekama pi', Esuweru amu' pen enato' pe
 Papa nanumanu ton waku tutusan ton pe, Waku
 A'kwaru wini iyekonekasa' kon pe.

¹⁷ Miri pe iyesi pi', mi pe e'kupu Kurai Sises yau
 Papa poitoru pe esi pi'. ¹⁸ I'ri pi' ri usauroku pen
 Kurai nukupu'pu uporo pi' riken Esuweru amu' pen
 ari pi' Papa Maimu awiron kon pe usauro'sa' ru'pu
 miri awonsi'ki unku'pu wini— ¹⁹ ento' ipi' miri

* 15:11 Eren 117:1 † 15:12 Aisaya 11:10

awonsi'ki eke Papa tarawasooi meruntiru wini, Iya'kwaru meruntiru poro. Miri pi' si Surusiran ponsi'ki siyari Iriri'kun pona ri, waku itekare Kurai iwano' ekama pi' e'sa' seri tanporo kuru ri. ²⁰ Waku itekare inekamapai kuru e'pi'pitu Kurai i'tu para na'ne' airi, inu' ri nutukaa'pu po ami uya namai'. ²¹ E'tane ru'ku, iye'menukasa' na'ne' kasa: “Kamoro ipi' auro'kasa' kon pen uya ento' oton, miri awonsi'ki etanin nu'san pen uya ito'ka'nu'to' oton,”[†] tasa' iya. ²² Miri wenai inke ri ipiya'nokon uti para iyese usemapu'tipi'sa' miri.

Paaru Ekonekato' Ron Pona Utin Pi'

²³ E'tane si seri ton nono yau e'tarawasomato' para iyese pi', miri awonsi'ki inke kuru ri wai'piya tenno'pi'se iyenpai'nokon e'sa' pi', ²⁴ ikupu pi' nin si ekoneka uti a'tai Su'pen pona. Uti koro'tau ipiya'nokon upika'ti kon pa utito' yau, miri yau uyewakiri pe ri aka'ne' pe ri ipokon pe esi tupo. ²⁵ E'tane para ri, uti si seri Surusiran pona waku ton miri yawon kon apiyo' pe. ²⁶ Apune para Ma'sitoniya miri awonsi'ki A'kaya pon kon esi'pu pori' pe entu'manin nan waku ton koro'tawon kon Surusiran pon kon pika'ti tauya'nokon pi'. ²⁷ Pori' pe ri to' esi'pu ikupu tauya'nokon pi', to' uya iku'to' pe ri iyese to' iwano' pe. Apune para Esuweru amu' pen uya Esuweru amu' neporonu iya'kwaru pe te'sen waku ri eposa' pe iyese yau, to' uya kuru ri iku'to' pe iyese Esuweru amu' pokon pe ri non pon waku ri tiwano' kon ekanto' pe iyese. ²⁸ Seri si

[†] **15:21** Aisaya 52:15 **15:22** Ron 1:13 **15:25** 1 Koren 16:1-4
15:27 1 Koren 9:11

turawaso enuka'na'sa' uya tupo miri awonsi'ki to' uya si taneponona kon eposa' ene tupo, uti si miri Sa'pen pona uti pe iyenei'ma'nokon. ²⁹ Si'tuyai', uye'sa' a'tai ipiya'nokon, uyepu miri eke pe kuru Kurai uya ipuremasa' kon esa' pe.

³⁰ Iyekama'po uya 'nokon kuru, utonpa ton, uri'nokon epuru Sises Kurai miri awonsi'ki Iya'kwaru usi'nankato' wini, e'suranmato' yau tikin ni upokon pe iyena kon i'se esi, upona Papa pi' iwipurema kon yau. ³¹ Ipuremati' apurinin nan pen Isutiya pon kon enapai emo'kato' pe miri awonsi'ki Surusiran po e'turawasomato' e'to' pe waku ton miri yawon kon nanamunu pe. ³² Miri a'tai si Papa eseru pe iyese pi' uye'to' pe ipiya'nokon pori' pe ipokon pe e'se'na. ³³ Papa, usewankaman nito' pun ni nesii tanporo ipiyau'nokon. Amen.

16

Tumiri Pe Ri Nin Si Miyari Tato' Iya

¹ Ipi'nokon ina parusi Pepi ekama uya, so'si Senkure yawon poitoru pe te'sen.* ² Iyekama'po uya 'nokon Itepuru awiri anumu kon pa waku ton ananto' eseru yau miri awonsi'ki i'ri ri i'se iye'to' iwinipaino kon ke ipika'titi', apune para eke pe ri tu'kan kon ni ka'pon amu' pika'tinin kari ri, uri ri to' tonpa pe.

³ Miyari ka'ti' Pure'sira† miri awonsi'ki A'kira pi', e'turawasoma Kurai Sises yau tonpa ton pi'. ⁴ Tuma'tato' kon annau ri upika'ti'pu to'

* **16:1** poitoru; miri pe para, uri'san so'si epuru pika'tinin † **16:3** Kiri' maimu uya Puresu'ka ta. **16:3** Inkupu'pu 18:2

uya. Uri riken pen e'tane tanporon ni so'si ton Esuweru amu' pen iwano' ton esi pori' pe to' pi'.

5 Miyari ka'ti' ri mari so'si to' iwu' tau tamurasan pi'.

Miyari ka'ti' utonpa ru'kwi Epene'tos pi', wapiya kuru iyera'tisa' ru'pu Karai winikui' Eisa nono po.

6 Miyari ka'ti' Meri pi', sa'man pe kuru iwano' kon pe iye'turawasomasa' ru'pu.

7 Miyari ka'ti' Antaroni'kas miri awonsi'ki Isuniyas,† utonpa ton, upokon pe pariki'si tau iye'sa' kon. Eke ton pe kuru itekare ekamai' enno'sa' kon koro'tau te'san kamoro, miri awonsi'ki urawiri Karai yau to' esi'pu.

8 Miyari ka'ti' Anpuriya'tas pi', Itepuru yau uni'nankanu.

9 Miyari ka'ti' Orupanos pi', Karai yau e'turawasoman tonpa, miri awonsi'ki utonpa ru'kwi Su'ta'kes.

10 Miyari ka'ti' A'peres pi', waku ye' pe Karai yau i'tusa'.

Miyari ka'ti' Arestoporos tonpa ton pi'.

11 Miyari ka'ti' utonpa, Esuweru pe te'sen Eratiyan pi'.

Miyari ka'ti' Narusisas amutu pe te'san pi', Itepuru yawon kon.

12 Miyari ka'ti' Turai'pina miri awonsi'ki Turai'posa pi', kamoro uri'sami'si amu' sa'man pe ri te'turawasomasan Itepuru apiyo' pe.

† 16:7 Isuniyas; miri pe para Isuniya; miri pe para Isuriya —uri'san pe iyesi'pu ta e'kwa pe.

Miyari ka'ti' utonpa ru'kwi Piruses pi',
kuri ri kanan uri'san sa'man pe kuru ri
iye'tarawasomasa' Itepuru apiyo' pe.

¹³ Miyari ka'ti' Ru'pos pi', anansa' Itepuru iwano'
pe, miri awonsi'ki isan, usan pe ri kanan
iye'sa' ru'pa.

¹⁴ Miyari ka'ti' Asenkuri'tas, Purrekon, Irames,
Pa'turopas, Iramas miri awonsi'ki tonpa ton
ama', to' piyau na'ne' nan pi'.

¹⁵ Miyari ka'ti' Pirorokas, Isuriya, Nereyas miri
awonsi'ki iparusi, miri awonsi'ki Orenpas
miri awonsi'ki tanporo waku ton to' piyau
na'ne' nan.

¹⁶ Miyari ka'ti' isipokon pe waku eseru yau
auta'su'ka kon pe.

Tanporon Kurai so'sii ton miyari nikayan.

¹⁷ Iyekama'po uya 'nokon kuru, utonpa ton,
kamo e'tanu'ni emapu'tinin nan enei'ma iwesi
kon pa miri awonsi'ki iye'mata'nokon awa'ku'nin
kon tulin nan. To' nukupanu esi iusenupa'pa kon
ipi' kasa para ri. To' piyau ke'tuu. ¹⁸ Apune para
pusamoro rupi esi uyepuru kon Kurai apiyo' pe
para, e'tane tiwano' kon ni. Waku pe kuru ri
tusauroku kon ke, miri awonsi'ki ennakan nito'
ike ke entu'ma' ri te'san ka'pon ama' enku'ti to'
uya. ¹⁹ Tanporon kon uya ri main awiri iwe'to'
kon etasa' man, miri wenai ipan pe ri pori' pe e'ai'
ipi'nokon; e'tane waku pe te'sen ti'tui' iwesi kon
i'se e'ai', miri awonsi'ki iri ku'nin nan ye' pe para.

²⁰ Papa usewankaman nito' pan ni uya Se'tan§
amo'koroku miri a'ta kon o'no.

16:13 Ma' 15:21 § **16:20** Se'tan—Makoi ese' isakon, Papa eseru
ewaruma'tinin ta e'kwa pe.

Uyepuru kon Sises uya wakꞰ nonkasa' nesii ipiyau'nokon.*

²¹ Temu'ti, e'turawasoma tonpa man miyari ta pi' ipi'nokon, Rusiyas ri, Ise'sun miri awonsi'ki So'sipa'tiru, utonpa ton.

²² Uri, Tiru'tiyas, kareta menukanin nu'pu, miyari nikayan ipi'nokon Itepuru yau.

²³ Kayas, tewakiri kon pe uri miri awonsi'ki tanporo ri so'si na'ne' seri yau itiwu' tau te'san miyari nikayan ipi'nokon.

Erastas, eke pata purataai esa' pe te'sen, miri awonsi'ki utonpa kon Kuwaru'tas miyari nikayan ipi'nokon.†

²⁵ Apuripi'to' tupai'nokon Papa ena'! Pana' pe iye'mu'sa'ka kon apuri auya'nokon yau kupu iya, wakꞰ itekare sekamayai'ne' kasa ri, itekare Sises Kurai pi' miri awonsi'ki ama'aino i'nairon onansa' ru'pu pena ri usenpoikasa' na'ne' kasa ri. ²⁶ E'tane nin si isenpoikasa' pu'kena' amu' namenuka'pu awiri Papa tiwi ri tuuko'mansen uya apiyontin awiri, tanporo tupataron kon uya tapurito' pe miri awonsi'ki tumaimu awiri to' e'to' pe. ²⁷ Papa riken ta'kwaru kenan iwano' pe eke pe iku'to' nesii tiwiri ri Sises Kurai poro! Amen.

* **16:20** Turon ni ton imenukasa' ton uya seri airon nonkasa'.

16:21 Inkupu'pu 16:1 † **16:23** Turon ni imenukasa' ton uya v. 24 ke iponantisa' se kasa: **24** Tiwi uyepuru kon Sises Kurai uya wakꞰ nonkasa' na'ne' nesii tanporo ipiyau'nokon, Amen ta.

**Wakɔ Itekare: Emenna' Pe Ekonekan Nito'
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files dated 29 Jan 2022

0a50da4e-768d-5472-9dd1-d9747ff5918f